

存素堂詩初集錄存

存素堂詩初集錄存卷二十一

柏山 法式善 開文

甲子

次治亭中丞見懷韻

尊酒年來勝會稀，幾回月落盼鴻歸。
多公千里頻貽札，笑我三年不製衣。
移竹西涯趁秋雨，校書東觀擁晨暉。
人間尚有商平叔，未必遺山事總非。

中州集制于平叔
雅頌集制于君也

功業生平自信無，天教西抹與東塗。
鏡中白髮時相見，畫裏青山可與娛。
老境偏逢射雕手，酒場還逐鬥雞徒。
濟南僚佐如余問，報說江淹筆未枯。

懷先芝圃方伯

又見南州雁，飛飛到草堂。
烏絲耿奇字，落月滿秋梁。
瀟灑容吾

輩旬宣仗老蒼當年韓與范事業在封疆

邵陽一湖水洗綠匡廬峯風雨有時至神仙不可從誰攜天外
筆寫此雲中蹤當日柴桑老悠然籬下逢

西江謝宗派恃彼性情真益以太和氣遂令湖海春文章作餘
事清白念先人蘭雪家風在胸中豈有塵

聯牀傷去日

謂令兄
敬菴

把袂約他年鯁菜亭邊月鷗波舫裏烟讀

書心自苦種樹地宜偏公欲蒼生問吾當利病宣

王暢甫寄新刻文集至

鉄夫散體文頗自示謙抑奇氣不可掩勃勃帶上溢支撐宇宙
間要賴此枝筆理每透數層意必從已出譬如獅搏兔逞逞用
全力後生寡學間擇瘡爲充實繁辱兩未忘觸手傷荆棘君與
鷗鷺儕空山日抱膝十年臥雲水萬卷填胸臆姿態出天然全

不藉粉墨人間桃李花對此黠無色惟有樗園竹與君同孤直
我筆雖淺陋心血拋不得分日課並子繕成數鉅帙君宜任校
勘吾將付剞劂

重陽前一日汪研薌招同人棗花寺探菊

明晨屆重陽城中未見菊詩客折柬招尋秋至佛屋我衰百事
懶幽曠輒心屬翩然驚與鷗荒汀日追逐淡雲不成影高樹尚
餘綠海棠黯無花詩中海棠春時最盛甲子京詩蕭瑟隱殘竹爾菊持晚節兀
傲霜雪觸造物能遲之不能使不馥老僧解勸客後會或重卜
北風行且大齋房可止宿流連夕陽罷瓦甌夜深續秀色餐許
飽吾方誠食肉

菊既未花朱莖雲欲卽景作圖張船山以無酒爲悵再
賦此章

秋陰一片下城來
竹樹蕭疎菊未開
大許此花矜晚節
世推青輩擅清才
樓臺有分成圖畫
風雨無緣入酒盃
煨芋燒猪余不辦
覽時閒暇遠塵埃

研薊再以同字的索詩

寄意禪枝忍草中
匪關黃菊與丹楓
秋來氣味何人領
老去情懷幾輩同
寧使筵前不持觥
莫教澤畔尚棲鴻
諸公早奏匡時術
我借僧廬睡日紅

題王荃心運河待聞圖

柳色長安五度青
故人踪跡半飄零
傷心野戍荒寒句
紙上秋聲不忍聽

卷中割純齋倪察二絕
句最佳今純齋下世矣

贈瞿菊亭韻

竹橋死兩年
邂逅交菊亭
和我採菊詩
逸響秋泠泠
梅花一卷

樓竹橋所居殘墨多飄零君肯披伏亡老成存典型襍被來長安問
訊賤子名未見風雨思既見肝膽傾十年讀古書不克通一經
提挈三寸管坐老槐花廳髮禿餘會撮手顫羞嫂孀孤鴻抱遠
志焉肯眠沙汀淒涼白雲白瀟瀟酒青袍青斷續樓上鐘晨暮敲
人醒

題思元道人畫竹

畫出烟稍數不清滿飛石裂筆縱橫西風一夜瀟瀟雨紙上依
稀聽有聲

板橋籜石寫寒竹未寫風烟先寫心識得清涼拈取法人間何
處不秋陰

題朱野雲畫寄潘厚甫仁司馬

時司馬訂
北山之遊

秋光最蕭瑟先感騷人心曖曖白雲鄉迢迢青楓林空溪放孤

舟寒木收稠陰沒懷誰與酬一鶴偕一琴詩境在眼前乃索諸
高深秋草亦有色秋蟲亦有音

我非江湖人北山有邱壟可憐萬松楸日抱戕賊恐所賴官長
賢坐使姦兒悚烟墨滋吐納君工畫草木荷矜寵明年春雨時杏
花紅蔽塚草堂偕半間酬應刪煩冗

雪煉松氣厚雲煉石骨堅居庸內外岡大行相鈎連我隨飛鳥
來定欲巢其巔巒破滑須防徑仄行且顛夕陽壓斜峯林樾生
暝烟一燈紅趁人惆悵僧廬備

哭杜梅溪

杜侯無奇能恂恂守樸拙衙齋日讀書五更燈不滅酒盡瓦瓶
倒風勁帟窻裂辛苦五字成惆悵六丁掣昨來西涯西執手話
淒切夕陽揜秋樹徘徊不忍別嘆息衣上塵指點髭邊雪馬蹄

去忽遠鴻影飛竟絕

題華岳沒骨山水

新羅山人畫妙不憑筆墨醞醞胸中深落紙出秀特沒雲多連
姿秋樹鮮媚色君昔遊楊州一縑萬錢直玲瓏館久荒書畫場
誰憶華堂歇管絃旅客念衣食一二技藝流袖手長太息此圖
存人間詎不藉有力顧匪造絕詣奚克免剝蝕吾願學道人返
躬自省識

題宋人贈行畫卷用卷中胡舜臣詩韻

殿上承新寵關中賦勝遊青山離別色黃葉次家秋雲木千年

盡川原一筆收如何叢桂帖

原詩有叢桂
方招隱句

不貯太清樓

冬夜題王蓬心太守摹北苑瀟湘圖

太守生蒙山乃署瀟湘翁永州暢遊覽蒼翠滋胸中北苑瀟湘

圖齋閣闔匆匆詩境忽然開落筆天無功萬疊江上雲半夜林
外風頓使人心魂冥漠山靈通葉葭蔽寒汀艫舳浮長空古樂
不可聞好句難爲工摩挲此圖畫彷彿推孤蓬眼迷烟波烟夢
斷鍾樓鐘

瑤華道人貽畫

身疲匹馬間夢出飛鳥外青山如故人一年期幾會春風墮冷
雲掩映草堂大微陰積暝烟暗泉響秋瀨酒涼覺近竹衣綠知
染檀着墨却不多瀟然謝塵簾林岫鬱蒼綠草木待沾雨露卷
書擁護一字師倚賴所慚拙觴詠未時接襟帶胸膈願滌蕩沙
礫略激汰不飲誠無客酒愆或詩蓋

題魯山木

仕驥

明府扇頭自書格言爲陳石士編修作

太行兩循吏並稱陸

余斷驥
堂先生

與魯經術湛一世文筆卓千古吾

師从病廢纖素散如雨魯侯賴甥賢片楮慎搆取縣堂值炎夏
揮汗坐日午搖管書筆端字字搢肺腑訟庭苔蘚深書院蝴蝶
舞仁風一以扇百草帖然俯吾師亦有集愧余缺綴補倘付山
木傳作序煩聊次

雪後吳荷屋榮光編修邀同鮑覺生中允李雲華翊吳
美存其彥兩編修朱孝廉涂小集

雪歛四山色夢微百禽語掃逕淨風葉洗觥酌雲侶梅樹踰黃
河枝幹能幾許不信南海春中有太行阻庭翠斜日動午烟新
茶煮沒薄故園茵遠勝秋江鱖黃壘三百甕期共冷官茹

編次詞林典故畱宿翰林院呈同事諸公

樹密燈火稀天近星辰大心定鐘磬餘夢落湖海外百年稽掌
故甄綜此其最虛庭積苔蘚壞檣染塵塹小史司鈔得計較如

驅僮我欲擇焉精下筆時激汰惟求理斯得不使意爲害

朝廷留憲章藝林厚沾白誰與擅三長濶色東里賴

憶昔登瀛洲庭花奪袍艷十年我重來青草古亭苔木屑荒
然池塘少湫澁手植百桃柳雲日映華瞻廣颺仰

廷陛提握俯錯槩孤衾擁寒夜進退頗自念王堂眞天上慚愧
枝巢占一如聾瞶僧長年守佛站焚香更掃地心敢生倦厭老
隸竊嘲笑白髮筆如劍朝餐進黃壘識我舊屬饜

翰林院十詠

登瀛門

笑兀紅塵中縹緲樓閣起仙凡隔跬步一差便千里我如守門
鶴翔翔不離此

劉井

源豈導昆侖派總通天池綆短汲不深心力恒竭斯應制每有
作慚愧劉定之

柯亭

吉士賦古柏仰企學士迹一日百匝行嘆息西涯客寒月照柯
槎吾亦念今昔

敬一亭

半空鳳鸞吹四壁龍蛇蟠那須載酒來自有奇書攤却笑老蠹
魚故紙無能鑽

原心亭

後賢衮衮來推我作前輩天近五雲多夜長一燈對心跡翛然
清淨名老不愛

清秘堂

簾閉秋影深階凝水烟厚夜來星辰氣沉沉壓戶牖仰瞻
寶墨在白日雷聲走

寶善亭

憶余謁館師鼓篋登斯堂三揖更百拜儒館風流長庭樹綠依
然余髮今蒼涼

瀛州亭

天風送我來天風吹我去相逢看花人不辨花開處檢點神仙
籍姓名紙尾署

成樂軒

天樂奏何年華亭畱妙墨璀璨大星影掩映五雲色年來秋雨
多恐有苔花蝕

狀元廳

幾回尋壁詩紗碧籠春烟階南手種花對客增暄研飄蕭兩髯
霜曳履吟花前

夢遊盤山得句醒足成之

層梯絕巘勢鈎連不盡朝烟與暮烟白髮相看餘兩髯青山一
別又三年風吹石裂松根直雪壓峯低月影偏那肯棲遲侶猿
鶴玉堂小謫亦神仙

乙丑

元旦試筆

未遂巖栖志仍然簪紱身嘯歌隨意足梅柳入年新白髮橫侵
髯青山笑冷人江淹已才退孤負玉堂春

正月十七日張船山招同人集蜚鴻延壽草堂爲余作
生日賦詩各以其字爲韻

月前拜東坡未和蘇齋詩強韻拈幾回空自勞心脾看燈紫陌
歸短札城南遺知好釀金錢戒旦春酒治我年五十三顏髮蒼
白滋及今不行樂行樂將何時凍梅伏瓦盆新放三兩枝溷迹
風塵中猶勝桃李姿

幽齋絕管絃曲院迴松杉一桁西山青風送層檐欹坐客皆詩
流佳句煩鐫鐫我衰百不能大嚼娛貪饒殘葉響空壁濁酒汚
朝衫登車望林月已在城頭銜摩挲故人書星斗翻雲雨杏花
計日紅細雨迷江帆

時以查梅史詩示坐客

李松圃

秉禮郎中寄韋廬近詩至

冷月一窻白苦吟春不知百年恨良晤萬里寄新詩此調世誰
解古人方與期琴聲取清越何必定朱絲

孟麗堂觀乙山人寫余詩意成卷

吾詩鮮色澤讀者多損棄山人嗜好殊爲墮千古淚昌歎亦几
材性情有獨至三日絕言語四壁墨花墜草堂僅咫尺萬里走
烟翠河嶽果何術驅遣八帙內眞辛苦逃匿物象愁瑣碎梧桐
春雨深挑燈悄相對蕭然寢食忘永久吟嘯廢純乎化工爲全
不藉粉黛

孫春甫蘭菽舍人招同人集春酒堂用查梅史詩句分

韻拈得如字

四瀛與十嶽大半歸樵漁身人歡喜場何在非吾廬胸膈少芥
蒂跬步皆坦途指數斗室中團圓十酒徒今日春酒堂客夢移
西湖詩情借酒氣狂叫招白蘇門外柳條青屋裏梅花孤獨我
與朱生野避酒如避通生也工潑墨又能多讀書笑我百念灰
寂寞成老夫惟有朋友情感觸猶紛如佳句偶到眼的饒干明

珠久欲勒一編筆墨愁荒蕪嘆息西涯西衰朽梧門梧

查伯葵居琴鳴各以詩集見貽

孤雁空悲鳴春蟲誤幽響閉門俗慮絕彈琴古人仰茶烟暝不
飛凍蘚綠初長江鄉每客至詩龕輟神往眼明盧溝月夢繞錢
塘槩奇氣遏不得振衣視天壤

送何蘭士太守之寧夏

寧夏古嚴郡卽今烽火清旌旗春詆蕩書卷日縱橫黃犢長驅
阪青山半人城使君何所事風雨課民耕

誰引黃河水青銅峽裏流人家買魴鯉官市下羊牛古雪朝明
埭春沙夜擁丹管絃催客起彷彿是蘇州

勤苦見君性非惟不愛錢病蘇仍誠酒書好卽參禪春檻花爭
發山樓月自圓此中小塵滓過眼任雲烟

梅花有斜榦桂生多直枝詎因人棄取遂定物妍媸
隨心閒且賦詩素緣吾自凜珍重寄羊皮

胡惠麓蔚州書室述桑乾河汨書帖一篋

十年淨業湖山騎尋秋花牆頭遞新詩不待朝開衙訪古
村碑字親搔爬零繖與壞昏癡乃同嗜迦室囊太羞澀
畫畫三五車馬走桑乾河白日愁黃沙龍伯攫之去
冰立風交加物聚必有散侯也休咨嗟蔚州太行麓
萬古青槎枒中有寒松堂環溪雲木遮君時屏騎從
踏薛來山家當逢問字人兼可詢桑麻搜得異書歸
慎勿迷兼葭

贈一栗師

悟徹禪如春文字乃可作不然浮物耳下筆皆柴
鑿栗師產湘陰鬚鬚性恢拓內行豈不事恐被微名縛
雍髮心月庵心月舍

住着湖汾洞庭水幕臨錢塘屬排雲叫九閭捫星弄三島詩
雜仙心僧不抱佛脚林磬聽飄蕭齋鼓慰寂寞根從灌溉來花
向隄雲落淨慈雲影覺春明日華焯一龕絕依傍三載暗尋摸
蒼苔繡袈裟眞香綵璫瑤羣魔俄頃滅諸妄漸次削雪山廬許
棲風濤舟與泊胸燈耿不滅塵網那能絡吁此精進才吾黨望
且却昌黎送文暢古懷寫磅礴我雖鮮文藻交遊性所樂師也
過從密談笑見標格米汁飲何堪玉版參相約準備春雨時城
南廬山藥

萬壽寺晤治亭制府話舊

春陰昨夜重溪水一尺長杏花猶未開紅已四山仰橋轉水聲
大林空寺門微寒竹不改綠瀟瀟作雨響我友持節來雲臺話
疇曩萬物具懷抱故人各天壤畢竟狂簡流環顧任吾黨生平

負直諒議論取誠齋蔬筍蒲貯胸江湖快抵掌午烟出檻遲疎
磬穿雲上非開北海樽早挹西山爽

夢禪居士畫香雪山莊圖爲吳柳門題

畫山必是山畫水必是水卽克肖厥形而已失其理夢禪非參
禪寂寞通畫旨莽莽江頭雪驪之入片昏棼槎老梅樹歷劫香
不死中有詩人廬爰元梅花倚林雪闌深綠沙月發空紫吳生
獲茲圖旅思蒼茫起暫時驪鞍卸輒欲扁舟艤春明萬柳條倒
插明鏡裏年年二三月聽鶯與釣鯉吾宅枕湖上梧竹陰上几
夢禪昔圖之桃紅十度矣酒掃鷗波亭滌蕩墨壺浮動箋買百
幅翠微寫列窠

萬壽寺

萬竹忽低池上風水烟吹到寺門空斜陽不管花開落

山各自紅

夢中遊山得大星掠髻邊飛鳥度脚底句醒足成之

白鶴前導人似解賓主禮古佛坐無言老僧去乞米桃開秦時
花薛雜堯年齊松風響琴筑石泉灑酒醒天光谷白豁露氣山
骨洗大星掠髻邊飛鳥度脚底風雷護梵筵六丁不敢啓

寄懷洪稚存編修

識面雖云遲今已十六年追送盧溝橋

君赴伊犁余追送至盧溝橋

從此音

書捐萬里艱苦閱一生忠信傳賢郎擅學問父書讀能全坐我
梧竹間話舊情纏綿述翁健腰脚登陟伴飛仙朝脫虎草屐夜
扣鶯脰臄身隱青山多駐飽紅日圓生徒所餽遺足供買酒錢
相逢同志人笑樂不減前沾叻便千鍾叉手仍百篇君歲今六
十洗野東離邊黃花不愁貧白髮應放顛我少君七齡哀憊空

自憐却憶柳陰底同看西涯蓮

桐陰詩思圖賦贈彭石夫

壽山秀才

憶昔種梧桐高不及我門轉眼四十年樹老枝柯繁彭生抱琴
德問字春風園望古思蒼茫寂寞忘語言空天上明月暗水流
孤村層雲蕩寒綠中有詩人魂生從揚州來讀書梅樹根茅庵
此棲息古香衣袂存但勿失性情格調姑弗論字字出胸膈一
洗雕斲痕拆我青玉枝佐爾朱絃溫

存素堂詩初集錄存卷二十二

柏山 法式善 開文

乙丑

陶然亭雨集

雨洗黃塵去花憎白髮來
厨烟尙雲壓佛閣已風開
山色入新柳衣香生古苔
此行鷗自喻却被寺僧猜

日夕雨止

清磬不知處穿雲到上方
野花明廢寺春樹艷斜陽
黃犢有時返白鷗終日涼
脫巾坐林下客轉笑僧忙

題黃小松澱水圖爲陳孝廉希濂賦

迢迢大雲山淵淵椒石潭
寒翠深瀟瀟中有梅花庵
陳君去鄉國胸膈餘烟嵐
刺史筆墨超寫此草木酣
懸我素壁頭巖谷容

遐探金華宋學士執鞭吾所甘當日讀書樓餐勝誰其堪百年
悵風雨萬木秋鬢衰負幅員遺勢蹊逕幽人諸憶接濟南書桃
花紅度三揮涕念良友扶病圖詩龕

小松三年前病
中圖詩龕見寄

書桂未谷大令札後

小清涼館雨聲烟七度藕花紅過湖天外折梅寄京國數行殘
墨認模糊

香岳寺小憩

枯僧少禪味睡起石門開任蝶花間去看鷗烟外來山雲總礙
竹春雨不生苔酒店人喧語家家打麥回

乘月出德勝門

月似解詩意依依照我行林疎數星大水近一燈明衣食關生
計津梁念遠征素餐真可愧勝策是歸耕

大樹庵

憶來此庵宿二十六年前大樹綠猶昔老夫衰可憐涼生昨夜
雨花認舊時烟衲子指相笑君誠嬾散仙

淨業湖和彭石夫韻

兩髯任長白一湖仍舊青馬蹄何處踏鷗夢有時醒寺竹逢人
問樓鐘隔水聽涯翁已祠宇殘墨却飄零

大覺寺

行到卧雲處石門過幾層花殘仍見蝶竹密不逢僧放鶴人何
往騎驢我尙能年年春雨後一笠一青藤

幽村

匪是不能閒村居易往還月明且花看鶴在莫門關宦興如雲
薄詩情比石頑櫻桃幾千樹紅到畫眉山

書吳蘭雪詩後

仙人吹玉笛雲外有秋聲明月每孤照寒江無此清鷗心如我
澹鶴骨自天成昨共陶廬坐高吟到五更

同蘭雪夜話

揮毫擅神妙一往性情深崖石冰霜氣湘絃山水音愁邊寄香
草病後坐疎林童子燒茶熟微烟散竹陰

慰蘭雪

愁苦轉親切窮交從古多不須學黃老且復辨陰何鴻鵠志終
遠蘭蓀氣自和題殘幾紈扇狂笑水雲窩

小病

軒窗不來過心閒百病瘥故人書漸少老樹碧仍多雨足聽蛙
鬧亭荒任雀羅山翁贈紅藥麥價近如何

柬吳蘭雪

吳生吟冷詩更欲爲閒官官閒無人親詩冷無人觀身行半天
下襜褕來長安公卿多識君掃榻爭傳餐君謝膏粱腹而就蔬
笋寒新詩日料理千苦成一歡不嫌松菊叢笑比江湖寬白鷗
解君意飛過菰蘆灘布鞋踏春鮮天際斜陽看倦鳥思投林驚
魚遲上竿湖灣風乍迴止水生微瀾進退會有時趨避原無端
勸君姑吟詩但勿摧心肝卷驢遊西山趁及櫻桃丹

補輯康熙己未詞科掌錄寄阮芸臺撫軍

驚馬駕鹽車昂首時激奮蠹魚鑽故帙那能脫塵坵髫年讀書
少衰遲徒恚忿雲水寫性情文章守職分天南故人札諄懇勞
下問恭維制科興煌煌垂

天訓如何百餘年姓名半堙紊殘書檢官府斷字辨邑郡孤燈

耿明滅匡牀坐據櫺十日不停披百家資釀醞始而芟蕪雜繼
且商聲韻益敢等買萊多轉嫌饋餽賢者識其大吾惟述舊聞
書敬業堂集中山尼詩後應覃溪先生命

中山自有足斷非宋家女宋女自有夫悔翁殊莽鹵敦厚自有
歸激昂句無取景會志宋墓分明世系譜及考公行略歲月可
悉數豈公死十年倉皇此詩補比邱果何人志略顯齟齬卓哉
覃溪老存亡一一剖宋公官川西中遭飄泊苦性命寄蘄叢室
家昧區處悍卒卽云衆奚至盡豺虎先生佳水西烏蠻戰伐賄
慷慨寄歌嘯憂傷託毫楮詩成慘不樂姑作兒女語深見亂離
時父母失恃怙官長且如是窮黎沉羈旅奈何宋王稱奈何萊
陽舉三復慎旃集殘鴉噪昏雨

孫雨卿肅元畫山水

藻采從外生精氣由內運聰明不自刷筆墨焉能奮孫子工六
書丹青性所近忽然自得之落筆遠塵坳人遂指天授毫不關
學問豈知孫子胸百家資釀醞閒中見瀟洒空處出情韻乃知
手筆超必先屏聲聞

新柳和韻

水外烟痕染乍成枝頭春雨又添聲盧溝月只行人看一半黃
昏一半明

折盡長條剩短條草青一色認裊腰玉堂花底春應接直送詩
人到退朝

山客猶眠鳥亂啼一枝濃到深雲嶺西離亭有樹誰攀贈萬里
春風寄赫蹏

朱閒泉畫山水

畫雖技藝流俗客無能爲厥旨參諸禪厥趣通諸詩君住西湖
西兩代稱經師乃灑蒼玉烟故昏憑空施一角江南山位置春
明陂水霧白潏潏鬢鬢青差差無福飲山翠坐使詩腸飢君割
芙蓉腴拓我雲霞思咫尺草堂間倏忽天風吹滿庭積明月松
菊猶未衰

雨後

一雨便無塵昏鴉噪向人晚山意寥落小竹氣清新花少原宜
病書多不救貧獨繙三兩卷尙論覺情親

清梵寺

雨止客初到鳥啼花亂開風泉自蕭瑟雲木與徘徊攜杖成孤
往題詩待別裁齋堂鐘磬罷又見燕飛來

汪池雲方伯贈扇

仰氏舊京稱雅製先生詩扇我詩瓢金陵瑣事今誰續嘆息人
間無李昭

再題中山尼詩後

甄公嫁文姬徒增蔡邕恥富庭舞枯枝憂怪潭州妓元興誤題
詩世人猶稱美又傳西山裔落籍嫁小史具闕記事篇明明有
所指新城持議正諛詞痛詆訾如何序查集見乃不及此忠厚
有同情古今無二理吾願有筆人毋徒誇綺靡

睡起

睡起日初長官閒病不妨早蟬多連韻新竹有餘香
喜松間
脫衣憎雨後涼老來看畫貴草露與燈光

雨過

驟雨過庭際柴門時半開捲簾雙燕入隔水一鷗來
穿花

逕逢人間釣臺得魚渾不管林下且徘徊

東坡黃州小像

讀罷底事不封侯陌上花開此一牛鶴去江空殘夢醒酒痕狼籍記黃極

雪城轉餉詩孫子蒲屬賦

轉餉特常事何煩重記述太守志忠孝生兒猶史筆粵昔判成都巴勒布內逼公乃從將軍上馬日殺賊兵出打箭爐天地爲慘黑擾攘萬民命崎嶇萬里國炊烟斷一夕三軍多菜色哈呀雪城路上下組欹側輾轉踏寒冰人馬幾顛厥公責任勤劬各各受撫卹孰知造物巧偏竭勞臣力庭萱忍告瘁奔喪竟無術從軍古有制勉強事縲墨傷哉孝子心一慟遂不測以手指肺腑欲割割不得高高

靖恩厚復還太守職今十五年小園種樹防難此三尺絹表
爾一生質蕭蕭猿與鶴如助三太息回首望金沙濕淚霑胸臆

靜嘯山房詩爲陳晴岩傳經賦

昔年尚書公引疾歸田園至今溪上春指點山房存幾我雅山
堂戢戢歸雲門萬柳蔽斜日綠烟吹雨痕昨宵一夜風孤舟偶
樹根客去可讀書客來可開樽矧茲園主人妙有賢子孫特是
三逕中惟有松菊蕃飢驅泊江湖拋爾鶴與猿六月北風涼一
夢來江村

和蘭雪夜出三轉橋踏月遂至十刹海觀荷之作

三間矮屋一榻掃坐卧其間吟不休吳生新從區廣來袖中但
攜彭蠡秋日坐槐陰看明月新詩萬態供冥搜吳生愛月有月
癖踏月湖上登酒樓酒樓之下萬香國明月沉被千花罨青鞋

踏破古苔蘚慈恩僧寺尋沈周坐使老僧笑且語後人何苦前
人求幸有驚絲導我步又有星露涼我頭此時非矢卽烟水不
知何地來扁舟胸中奇氣吐不出大叫明月落酒甌高柳亭亭
作人立大魚拍拍鳴葦洲清泉可飲花可茹長虹欲跨風颼颼
樓上鐘聲已五轉人間醉客消百憂勸君清狂且少歇慎勿驚
散沙間鷗

偕陶季章

章鴻

歐陽礪東

紹洛

彭石夫

三汊河看荷用

吳蘭雪韻

十剎海花看月下三汊河花看雨後雨後更比月下好坐卧況
有千株柳紅雲萬朶水邊生白鳥一雙花外守葉陰得雨長參
差花事經旬開八九沿河車馬去何急野店蕭疎坐偏久此花
開謝不因人造物豈真五輩厚山水情密富貴疎坐使此花爲

吾有不然君家皆水鄉生計家家種菱藕落晚來看長安花九
澤三湘但回首眼前行樂莫蹉跎何必佳肴與美酒吳生可憶
積水潭出水荷花先入手黑頭早望取卿相白髮誰知換衰醜
星霜彈指二十年生死合離幾良友縱筆君寧讓謫仙和詩我
仍稱漫叟

和蘭雪題錢南園御史畫馬

我性更比驕驄野氣概昂藏就羈絡年來空廐嘆衰遲甘與駕
駘同寂寞錢侯畫馬惟畫骨紙上精神猶奮躍想當與酣落墨
時凜凜風霜有寄託錢侯性耽酒與詩不識人間高官爵欲將
肝膽報

朝廷那管骸骨填溝壑下筆勃勃具生氣金鑣珠勒都拋却高
高者柳巉巖石亦爲此馬爲落泊此馬原從天上來陌上徘徊

難立脚奇才幾輩如郭隗真賞那能遇伯樂千金買骨聲價高
萬里行空氣象博錢侯工吟畫馬歌妙筆兼能寫秋鶴余得所畫鶴爲
人覆去我昔拾從故帑堆詩畫剝蝕皆不惡遺集幸賴師子蘇刊
題詞茲有吳生作我與錢侯商競病三十年前已心諾雖然作
記題幀端只就存亡抒大略吳生吳生好手筆寫出錢侯心爲
落天陰雨驟亟捲圖正恐乘風不能縛

題蘭雪詩後

吳生詩特工窮非詩之力連日坐雨中眞氣發胸臆從前幽
句至此變雄直但覺一紙上蕭疎不是墨十丈妙蓮花一片明
月色關詩數十家獨取南園筆題集兼題畫心事爲寫山嗟哉
忠厚旨世人那能識但謂生清狂安足比籍湜豈知老博士竟
欲昌黎抑卽此畫馬歌咄咄杜陵逼未必槐街中此人瘦羊食

旣和蘭雪玩月看荷之章雨中復成此詩戲柬

明月如流水可玩不可掬荷花如高士可近不可黷君視淨業
湖直是一別築夜夜行湖邊鷗鷺紛相逐殘僧苦燈燃老漁怕
舟覆酒樓拒醉客防同僵柳仆河伯出奇計黑雲遮林谷苔蘚
阻幽徑晝夜雨斷續坐使老博士孤館日瞋目忽然紛槎生萬
詩撐腸腹千言一揮成字字真寒玉老樹旣扶疎數竿乍膏沐
先生對之喜願老此茆屋乃知月與花胸中秋氣足西風一夜
涼高詠四山綠

熱極適得快雨

蚊蚋譬小人嚼人人弗覺及至痛肌膚又難施擒捉所幸疎雨
過清風散庭角松淨竹疎疎綠天如帳幄蒲葵扇可拋披襟且
騰踔所以君子心但自勤澡濯不聞與不知內驗平生學

題蘭雪雨中看月詩後

後院看明月前院墮疎雨詩人遭遇奇此境天所補思議入變
幻方欲刻肺腑陰晴換林谷咫尺異聽睹難得五寸管題句必
千古偏強效並郊排鼻學韓愈我謂魄力大牢籠似杜甫生也
投筆笑捉月向花舞不計青衫濕只要奇氣

和蘭雪三汭河雨中看花之作

荷花出水萬人見見花之人心目倦冒雨看花君獨行一領青
蓑一瓦硯紅日不出紅塵無涼風習習如秋初車行比水馬比
箭荷花注意在酒徒藕根雪白藕葉紫酒徒不願食蓮子但願
花氣結爲雲萬朵芙蓉秋不死酒徒有病愁秋生今從葉底尋
雨聲雨聲稍歇月已上那店疎籬交五更

且園雨中作歌貽蘭雪

槐雲半頽丁香委十日不雨花何恃甘霖連宵落不止蜀葵牆
角數枝紫老夫又怕踏蒼苔手扶藜杖曳敝屣蝸篆滿壁旣迷
目蛙鼓半庭徒聒耳青蟲墮地猶葉抱黃蝶濕衣尙花尙惟有
門前數老梧蟬聲不聞鳥聲喜而我擁書數萬卷日日埋頭搜
故紙東塗西抹取適意與奇往往聞諸子作詩不復辨唐宋總
期思議出自已遠自江湖近官府謠諺謳謠一一擬交遊首數
蘭雪生孫原湘與查伯揆南榮掃除博士楊青篋甕設烏皮几
博士茶癖過盧仝一飲七碗猶不已清晨獨遊三汊河便思吸
盡西涯水青山招客面前迎墨雲催詩頭上起腹中雷鳴饑欲
死衣上雨淋誰所使友朋訕笑童僕訾吳生之狂有如此

思元道人招同蘭雪小集

道人闢園無百弓道人種花無千叢純以意匠發神巧若遠若

近天無功臺不必高月可看池不必深流可通孤蟬抱葉足秋
意野鶴守門饒古風亂螢滅燈出深竹蒼鼠噉碧跳長松道人
學道苦未足攤書北面堅城攻芻蕘往往於一得封非見採蓂
愚衷東鄉吳生有道者近日棲息詩龕中看荷夜夜發狂興驚
散鷗鷺與漁翁萬頃玻璃一明月吳生醉倒湖橋東寺僧扶起
上驢背飄然如駕吳江篷歸舍無魚更無酒一飲欲盡茶千鍾
衣綠尚疑萬蘆葦燭紅猶認千芙蓉天公一雨阻行客吳生方
自悲詩窮拆柬招遊事亦巧收拾佳句排吟筓我固癡懶老成
癖官閒尚爲世所容吳生況復古狂直疎籬清簾時遊從四海
九州幾明月園中之月將無同三更五更我不問要與明月常
相逢

和陶季壽出德勝門看荷花歌

湖湘之水多於地湖湘之花美人似長安莽莽十丈塵六月炎
天暑難避陶廬正好邀陶公參差新竹雙梧桐淨業湖倚淨業
寺春楊柳接秋芙蓉德勝門外橋西轉菜畦瓜徑清苔蘚晨曦
初漾山遠近夜露猶濕水清溪君等各各江湖居垂竿日釣烟
波魚竭來冷眼窺行客幾輩偷閒能讀書看花了不關事業片
刻尋鷗與放鼻但葆平時磊落心勝泛鸞溪入巫峽豈無車騎
河干遇驅之驅之花奈何勸君早作湖湘主脫却朝衫換綠蓑

淨業湖有感

鮭菜亭空夢迹陳我隨鷗鷺踏湖漣酒樓隔水密於樹荷葉隨
花高過人事後空思歌舞盛眼前誰與薜蘿親鐘聲又響橋南
寺一角西山入眼新

待月淨業湖

荷花出水作人立柳樹夾岸如牆圍酒樓之下鷺鷥睡酒樓之上
蜻蜓飛隔湖秋寺藏樹底老僧捕魚時未歸新月有錢不能
買一痕穿破雙板扉鮭菜亭前幾延佇月橋猶是人全非飲馬
池頭誰飲馬稻田蓮渚空依稀我生進退取適意何苦衣馬求
輕肥青山推月出湖上擬築茆庵臨釣磯

積水潭

游寺月橋尋已遍荷花不放老夫歸白鷗認是貴人至只向潭
西空處飛

張船山爲王竹嶼

鳳生

畫江聲帆影之閣圖景蘭雪賦

詩感而有作

北人不作南人夢江上輕帆任風送船山之畫豁余眸蘭雪之
詩益余慟秋水閣只大如斗我與阿翁初執手二十年前積水

潭余與荆亭及船山蘭雪遊積水潭今二十年矣荷花如舊人何有玉樹交柯一枝折
謂香七字吟成句幽咽至今遺集比斜川當日抗行軾與轍白
下風光拋不得青山仍作六朝色有魚可釣酒可沽如何容易
去鄉國手剪竹燈照窻紙紙上秋烟吹欲起筆墨化爲明月光
感人瀉入肝脾裏我避炎歊如避仇看荷日上河邊橫江是自
雲帆是樹野人只似沙汀鷗

酬陶季壽

秋氣滿天地不入樓臺中此身取瀟灑何事辭蒿蓬環顧吾故
園猶存石與松偶然弄孤琴泠泠引天風昌黎沒千年誰復追
高蹤子乃一枝筆奧挾幽微窮身從衡山來手剔岫巖峯新詩
挺竒骨削出青芙蓉訪我西涯西慨慕茶陵翁議論數千言磊
落抒心胸停車三汭河日映荷花紅唱酬誰最佳蘭雪更欄東

愧我筆孱弱思欲偏師攻君提十萬師將軍飛目空一戰敗
陰寧敢撓其鋒我亦有邱壑旦暮扶枯筇清修萬竿竹兀傲千
尺桐雨止酬清蟬月上廣寒蚤閉門日歌嘯天或憐疎慵

酬歐陽礪東過訪貽西涯詩

六一居士吾所尊八百年後交公孫公孫近宅沅水側下筆時
挾江濤奔長安六月炎暑盛寒士避熱常關門而我家住城之
北市塵漸遠如山村綠楊萬樹月橋接碧潭百頃風荷喧岸上
祇見酒旗颭水中惟許沙鷗翻跨驢訪我過溪上小雨滌蕩詩
人魂蒲葵松牖餐不得曄綠初瀉葡萄樽涯翁生平君所悉此
詩真能風教敦安得傳寫遍江漢湘水一洗荅陵寃世謂劉謝
去大好六尺之孤誰所在梁公只知有社稷何泥顧命承前軒
朋友悖負尚不可君臣有義寧心方今人材楚最盛懷麓堂

集斯淵源前後復舊宜釐正一其體例及其繁昌明詩教事猶
小生平心迹宜細論不然請看公弟子師死幾輩遵遺言

鶴意似聽詩蘭雪爲余題夢禪畫扇句也項道存孝廉

爲補圖屬余賦詩

延佇亦已久徘徊仍獨行秋來先有氣詩外更無聲此意太孤
潔何人知性情只宜雲臥處野鶴共平生

贈王潤亭彬明府

王郎別廿年執手成髯翁聞君宰閩邑生徒坐春風冷眼看青
山日對千芙蓉在山雲意遲出山雲澤豐王郎臥空齋襍襪孤
鶴從蘭氣薰衣涼蕩影交檐紅古琴聲何高哀怨振長松我亦
蕭疎人山綠填滿胸安得航武夷鼓柁尋仙蹤

寄題龍山慈孝堂

卷之五
三
天地心至仁感孚及盜賊請看鮑氏掌歸然峙千尺當年父若
子臬境苦相逼爭死而得生出險至誠格讀書廁士林自負頗
奇特呼吸存亡間幾人持定力龍山五百年清芬誦在昔至今
孤月明猶照幾松黑

息隱園五詠

鏡清幃碧之軒

一日不出門便已塵世隔鏡中心自清幃外花全碧色相苟能
忘何必在山澤

樹芝館

採芝果何人樹芝定此館癩鶴比佳兒但少梅花伴一枝白雲
中踏雪我又懶

吟青閣

山從六朝青至今色不改一杯明月光借山抒魂魄往往歌嘯
聲中有千古在

歆屋

世路悲崎嶇人情喻反覆歆器古有誠茲乃作歆屋我心如水
平月斜幾竿竹

竹風蕉雨之居

竹無風不韻蕉無雨亦俗儵然風雨中掩映一天綠東山上明
月高人秋睡足

岳陽王遵親歌

硯陰刻持堅守白不磷不緇八字爲岳
王筆下有謝疊山藏記文文山銘于忠

肅王父成題字歸董思翁
今爲先芝圖方伯所得

宋室金甌殘缺岳家石硯猶瑩潔唾手燕雲細字書小朝廷
事那堪說軍中檄用麻札刀點筆磨墨王親操雅歌投壺意蕭

酒東松題寺秋風高持堅守自平生志不磷不緇君子器三字
獄成莫須有紫玉一圓同播棄橋亭石重謝枋得玉帶生傳文
信國藏之銘之賴一賢此硯遂同徙南北文承風流畫禪室堂
堂于肅王忠文成大手筆紅羅幟上岳字標精忠之氣硯寧銷十七
札皆帝所頒病哭仰答黃龍山三萬六千一百言此硯不寫風
波免金作稗編珂也撰未闕淚滴鸛鳴眼想彼端方更確犂骨
節玲瓏咀良嶽濕翠染遍青原峯詩成壓倒黃滔翁

贈先芝圃方伯

聞說蕉園公遺藁十七束隄於黃州火上帝取作錄克家我方
伯樓訪善輯續黃州題覽句靈心天啟沃坐客皆歛手超妙遠
塵囂東坡遯難及斜川世久矚雲巾宛委書剔翠煩屢屬茲獲
笑言共重以車騎辱衣上匡廬雲一片西江綠却餘下筆聲洵

浩吞巴蜀靜言約真率繁文誠華縵書生不解事草堂秋睡足
頗憶湖海內故人多建康萬姓胥得所我更有何欲衣慚范叔
袍飽愧太倉粟蟋蟀自有聲要難比黃鵠貢諛我未能臯鼈我
君勗

秋雨夜坐

似聞聲在竹旋看水平池病後尋無藥秋來剩有詩濕螢兼葉
墜孤鶴隔花窺明月涼應重茶烟出檻遲

明祭酒陳文定公畫像歌

氣節凜凜經術崇十年不調官南雍僵臥礪壑如孤松歷仕仁
宗與宣宗君維明聖臣維忠乃有建安西川翁在朝濟濟稱恪
恭媚嫉曷獨施於公朝廷豈真才勿庸是有天意非人窮四箴
可書幣不通闕覽何物能取容襄城高宴千花叢一飲且盡三

百鍊白雪在天明月東醉眼不亂紅粧紅畫像今日生春風
將拜倒詩龕中

題黃左田爲王子卿所作畫

我生不識梅花樹畫裏相逢徒慨慕我生不辨江南天夢裏相
思四十年兩個神仙各天上烟水迷濛輒惆悵月落未落人寂
寥花開未開地幽曠圓照寺悄鐘聲孤月色如水梅花鋪吟成
只有溪鳥答酒醉合倩山僧扶白雲迢遞黃河隔冰雪高寒濯
詩魄寫出于湖舊草堂梅花與客同標格此筆蕭疎空一代觸
景懷人感興廢草色時餘楚澤陰石根猶染秦時黛我家近傍
鷗波亭捲簾飽看西山青君肯洒墨圖爲屏淨業湖水秋泠泠

廣慈庵同已亭

光貴

太守夜話

枯僧化去三十年佛閣燈焰青依然二客對語倚禪榻清磬相

咎黷聲圓香廚斷續不滅火坐久檐花開幾朵生死江湖朋舊
多衰者猶存爾與我君判川西兼領軍使筆使劍徒紛紛短髯
寒生破山雪戰袍濕帶巴江雲元戎年少兵符握偏是青衫舊
同學不語供帳達迎工但合葵良分別離竭來蕭燭秋庵涼雨
止滿地槐花黃猛憶當時事科舉滋味還是山中長我毋避露
居此屋一院清陰數竿竹伏枕愛聽蟋蟀吟閉門怕展韜鈴讀
書具蘭雪題錢南園畫馬歌後

御史畫馬不畫肉筆所落處神已足博士題詩非題詩發洩一
段胸中奇詩成擲筆向天笑俗子那能知其妙分明御史自寫
照天矯權奇好材料千金買骨世猶謂吳生對此且歌嘯天風
浩蕩從西來吹我湖上蓮花開吳生踏月湖上回青鞋布襪污
秋苔天呼良馬君子哉恨不相逢御史陪一時風義有千古畫

手紛紛安足數人間徒重典與紙傲骨安能到如此

答李怡庵如教權使

曩輯雅頌集徵及尊公詩尊公撫滇南方畧蠻夷知作詩特餘
事宗派蘇黃遺君今權江關先德憂弗滋從容百事舉孤寒尤
念茲使君坐中庭口講手畫之我嘗抱古經不停松間披豈無
生徒列空言招謗嗤良材滿天下採擇惟工師廣廈果萬間吾
亦忘朝飢

約鮑樹堂

黠茂小飲適攜王楊甫書至

客從邗上來告我樗園事吾輩弄文墨斯人竟廢棄鮑叔知我
者一樽共秋意野水綠半城斜陽媚孤寺人與清風來雨帶白
雲至酒戶約比隣詩卷壓蹴鞠沙汀鷗自飛何必驄馬避在山
與出山士貴各有志

題萬廉山梅花卽寄廉山索畫

兩峯畫梅花曾無一筆敗廉山畫梅花意在梅花外風雪居長
安日負梅花債兩峯長已矣尺幅十金賣今年夏酷熱驕陽草
堂晒日臥松竹間有風不暢快千里江南春杼機北窓挂廉山
善治民或卽如作畫瀟然退食暇閉門寫幽怪驛使肯相寄敢
以詩爲介

送仰山

鍾昌

之貴州兼懷尊甫耐園

伊湯安

觀察

君家老詩翁髮歲同筆硯今雖志大行猶日擁萬卷方今黔以
西文教日於變詩書氣醞釀可以息征戰無事坐官閣但揮白
羽扇君今買秋帆彷彿尋巢燕酒情紅樹遠詩境白雲羨計日
抵蠻州梅花滿僧院凍竹時出林江魚足入饌嘉燠鈔翁詩寄
趁驛使便

瑤華道人竹趣圖歌

時爲道人校定詩
葉許作畫見酬

道人落筆有秋氣秋雨瀟瀟寫竹意門外紅塵十丈飛堦下綠
雲三尺漬千杯百杯道人醉雨止未止道人睡詩成殘墨猶在
壺放眼萬梢十指寄書生寡營外務棄愛向秋園弄寒翠清泉
繞屋聲不喧黃葉滿林我獨至何人領此蔬笋味玉板參禪特
游戲但求瀟酒傍溪山不願杈枒挂天地深宵翦燭讀奇字高
文典冊難強詛牆根暗火逗疎螢巷口清風散歸騎白石老翁
真好事移竹曾寫慈恩寺

沈石田曾爲李西涯
寫慈恩寺移竹圖

北海而今缺酒

樽西涯誰肯圖荷菱

送英已亭還西陽州任

已亭太守
守街

君從西州來還向西山去西州江水天下無西山藏書貯何處
大禹事隔五千載江花江鳥今猶在與君相別曾幾時兩鬢蒼

星看都改哀猿夜叫嘉陵西大船小船飛渡溪將軍下令賊穴
搗太守親手搥征聲風雨倏忽弓刀鳴死且不計何論生前軍
立掩白蓮壘萬騎仍歸細柳營議功太守膺異等宛轉秋江泛
烟艇猛憶空山夜讀書樓頭春夢風吹醒桐鞋朝踏東華塵釣
絲夕理西涯綸江亭聞笛各惆悵淚痕猶漬青袍新十七人中
八叉手唐子厚未免高寒愛獨久三山望見不可登此生只
合漁樵友五馬到日梅花開一花開勸一銜杯詩成編作劍南
集驛使和春同寄來

高枕

萬竹逼人涼蕭然身世忘暗螢吹火碧秋燕落泥香夜靜心俱
遠官閒病不妨閉門且高枕安用沈蘇方

憶舊

有聲詩初集卷三
憶我兒童日時時貧賤憂江湖成遠夢軒冕半同遊白日何人繫黃金不可求夜深明月上吹笛水邊樓

送別

宦途難逆料遠別易傷神落日下高樹衰年逢故人夢長詩易好酒淺話偏真自古多愁客時時猿鶴親

西涯

西涯涯下水長爲老夫流一夜淒涼雨前村遠近秋如何今日酒仍引去年愁寄語乞詩者吾將漁釣儔

晚渚

晚渚白鷗涼疎星帶水光山多浮遠翠樹只剩微黃古寺月初冷斷橋苔更香樓鐘醒客夢最是五更長

獨立

白髮不能換青鸞安可騎風雲愁阻隔花竹種參差醫俗原無藥
嫵情只有詩可憐人脚後扶杖立空墀

月橋

坐殘月橋月忽響鐘樓鐘此地惟荒草當年有碧松酒樓誰繫
馬僧院又聞蛩濃淡西山色飛來第幾峯

秋寺

玲瓏幾樓閣明滅半烟雲秋氣隨人至泉聲到寺分文章天上
有富貴夢中聞悟得清微旨胸中少垢氛

空谷

不知空谷裏別自有烟霞斷水明蒼石秋陰上野花鶴飛松葉
亂蟬墜柳枝斜笑語不淡底漁家共酒家

山夕

耳喧泉萬道目極柳千條鶴與人爭路溪將樹作橋壯懷消筆
硯前路託漁樵雨洗松間石彈琴慰寂寥

送友人還蜀

馬影入殘月猿聲低暮鐘風雷爭一水烟雨失諸峯黃菊行堪
把赤松安可從梅花使君逐官閣且扶筇

書竹泉詩後

萬竹動參差飛泉百道馳野風秋水外明月此君宜老鶴飛空
遠孤琴出響遶空舫憶猿嘯哀怨似吟詩

南唐澄心堂冰玉琴歌

栖隱廬山築仙館帝臺春句諧簫管南海遠獻龍腦漿九十二
種香盈囊元日登樓賞春雪圖書絲竹都稱絕華堂清艷澄心
題當年誰此箴規遺瑤琴本是鈞天物北苑粧成南國拂空山

流水兩三聲人間但覺風颼颼琴背分明細字刊保大二年製
造官玉堂畫永御詩下金徽響播松風寒飲香亭畔觀蘭日紫
雲夜擁十琴出因其爲內冰玉名臣億希正所甲乙長春殿圯
鶴空飛小樓昨夜東風微秣陵王氣漸消歇振羽沈宮不可揮
焦桐埋沒隨荒草河山一角猶難保元祐淳祐幾何時泗水河
南空見寶慶亭愛菊兼愛琴白髮黧黯情情情讀書得間小見
大蒼茫萬古蘇齋心霜竹寒松字道勁彌勒一龕今昔映筆勢
居然擬撮襟字法直堪溯書聖草堂寂寞秋烟昏四壁猶有寒
蛩喧老人愛琴勝愛菊洒墨手揚東籬根

訪蓮龕

繼昌

後話時蘭雪留宿齋中因讀近詩

無月水明夜

蘭雪句

此時秋在心坐來螢火暗不覺夜堂深舊雨

三年別新涼兩鬢侵莫嫌更漏短高樹未星沉

陶季壽約同人小集江亭

衝水車聲似放船
葦塘烟濕佛爐烟
尋巢秋燕驚時晚
避俗閒鷗占地偏
今日山光寒我看
他年詩句足誰傳
柴桑家法沅湘客
倘許前賢讓後賢

江亭卽事

一雨江亭萬綠收
半城烟樹極空浮
西風柳葉難青眼
北地蘆花易白頭
此會許誰詩歷卷
人生幾度酒盈甌
蟹肥菊瘦尋常事
何必重陽始感秋

後竹趣園歌

道人畫竹只畫趣
觀者那能知其故
酒氣拂拂十指騰
秋烟漠漠空堂度
澹墨爭教乳鳳憐
暗香直被狸龍妬
槎枒底向胸中生
頓挫全從空處悟
頃刻玉板枯禪參
依稀菜把團官譜
草堂

百事都不宜冷宦十年何所慕新笋成竿一丈雲濃綠繞門三尺霧涼天無月逗疎螢破帙有風走殘蠹鹽手花氣熏燈前回首粉香吹日暮

和周希甫有聲太守見贈

莫漫相逢嘆二毛十年握手氣猶豪梅花繞屋巒雲冷春酒浮樽海月高詩筆已堪齊鮑謝政書直欲壓蕭曹南人不復愁征戰陌上駢牛賣佩刀

題合作詩龕圖有序

朱自庵覽奚鐵生所作圖摹爲此卷適鐵舟僧見而效之攜示夢禪甫山間泉益以松石水竹野雲渲染而素人色澤成幅評詩者以羚羊挂角無縫天衣爲極品此又何減耶賦詩以誌

我生交畫師約計十餘人夢禪老居士八十猶嶙峋甫山最迂
懶當是倪瓚倫朱家四昆季六法皆精純鐵舟乃繼流下筆能
通神託迹春明城來往詩龕頻邱壑胸中滿鵬鷺時相親人中
有顯跡紙上無屈伸咫尺茅庵中倏忽秋無垠豈是芙蓉花萬
朵凌高曼妙手雖空空詎廢染與皴物外運以心卽物生鮮新
矜角何以挂天衣誰所紉化工不言工工極翻失真吾爲詩記
之猶恐烟墨淪

八月初九日掃墓諸同人約遊湯泉明陵一帶期而不
至惟定軒給諫偕往

掃墓擬獨行同人約共往古語無宿諾此期竟可爽獨有定軒
老時作出塵想花竹愛蕭疎山水情悵快隔夜整驢鞍呼童攜
鶴塋亦有斜川兒令子隨往奉以紅藤杖敝廬久傾圯野寺尚莽蒼

乃藉清冷泉綠去生平快三杯酒氣象萬古詩懷蕩可惜謝泉
與吳蘭平日誇飭髀浪舊留醉錢不辦尋山細

薊邱

積土成岡陵乃有蜿蜒勢百家列闌闌京邑藉拱衛我適驅車
來正當雨初霽炊烟茅屋掩秋樹孤城蔽病僧睡松根廢寺出
雲影嵐高馬蹄縱露冷蟲響細農喜沽酒歸日午柴門閉

清河道中

隴背驅烏犍道旁拾紅秫天然農樂圖畫師寫不出富貴吾所
願千求苦無術只可隨漁樵吏官娛夙日兵革早消歇民物況
安吉草荒獸壘平沙寒雁飛疾惟有青山多蒼莽赴詩筆

湯泉

坳圻幾無垠到此滌欲盡秋陰散土花細路吐石菌老松乾曬

補新竹亂抽筍聞說五六月荷氣山雲引疑入江南村詩才我
亦窘枕頭明月高流水聲淒緊

聖泉寺

在小湯山

誰割白浮山腴擲此萬翠裏峯岫散嵐靄形勢列案几流淙畫
夜響不識何年始山骨鑿無縫撫之有脉理涓涓一滴泉瀦爲
千萬水天風詎能凍霜雪任填委僧言桃柳樹先春發青紫何
不買梅花種向河之渌

法雲寺

在昌平城東南邵村

昔遊畫眉山曾憩法雲寺茲乃寶泉遺北枕天壽翠花竹雖數
叢門逕極幽致客欲鈔碑文僧已捉筆至因述十三陵規模資
尋記果涼散午炎茶清醒晨醉我喜草閣靜正欲抱石睡莽莽
黃塵飛乃爲披詩騎

天壽山

西出昌平城北望天壽山磊落十三陵參差高下間紅門接碑
亭迢遞排雲巖盤石象人物儼奉蓬萊班黝黑萬松檜蕪沒千
榛菅翠岫爭名巽勰首非塵寰惟有河水聲不復流潺湲王氣
此忽盡天意誠哉艱成祖實叛背負展良忝顏還避金陵門來
墓居庸關峯頭只十三此外皆汀灣我

朝禮遇隆異代

殊恩頒祿樵不敢入石樹交暄妍飢鼠下飲綠秋禽飛啄烟野
花初斷橋積葉湮寒泉白晝日陰森古殿風迴旋鬼物與趨蹌
虎豹時踴躍蒼茫萬古胸到此憂心煎回首王公墳壘然峙道
邊吁嗟科目流乃不如中涓

王承恩墓
在思陵側

望居庸山不至

砦礮石聲微，鴉軋車聲續。斜陽忽下林，老馬行且踣。因念山邃
險，路纔容車轂。蒼烟如水來，軍都名山喜在目。若者溝溝隄，若者
石峽谷。溪光與山色，滿貯詩人腹。從前戰伐場，今日明月屋。如
何刀頭血，化作溪上菊。絕少寄書鴻，時逢帶箭鹿。西風黃葉酒，
萬疊翠雲矗。

燕平書院

荒涼山館中，乃逢此亭榭。綠雲柳塘暗，明月竹窗暇。老馬快長
途，寒蛩入深夜。山中景幽怪，夢裏猶驚怕。宦興老年減，秋光半
日借。睡起數殘星，聲聲黃葉下。

狄梁公祠

余介者
梁公諱

春秋責賢者，我論公生立。若爲世儀表，公允唐廷英。有舉臬或
廢廟，親公呼。嶮寒蟲咽涼露，如聞嘆息聲。我來踏苔沙，月檐

頭明照見野菊花秋殿顏色矜

劉諫議祠

登科者有愧公論非譽之上書詆時務投筆安茅茨乃埒昌黎
公異代尊爲師古殿久零落老樹仍離披至今松檜枝猶帶雲
霞姿我入昌平城先訪諫議祠斜陽下頽垣荒草無空陂徘徊
短髯搔敗筆題秋詩

沙河

舊名輦
華城

宛轉長陵堰祿漫車箱渠沙河兼白河脉絡皆溫餘石橋臥長
虹雲際風卷舒沙來時落雁沙去時見魚小坐楓樹根紅葉打
我驢豈無白髮翁無意求奇書霜栗貯一囊秋松藏半廬謝彼
鳳山鳳且去漁陽漁

贈昌平牧戴懷谷

西有嶺幢水北有溝澗巖斗大昌平城山水實不凡日煇萬峯
岫霜勁千松杉時坐衡齋中老圃秋菘菹遙知明月光猶在樓
西銜濁酒斟一壺書開故人面醉墨寫淋漓綠濕芭蕉衫

周載軒給諫出彈琴書卷索詩

我昨題詩冰玉琴澄心堂字筆畫深一彈再鼓聲憤憤高山流
水誰知音載軒自是柴桑客白髮坐老松間石人疑明月是前
身我道梅花此標格西堂颯颯秋風生蟋蟀不比鸞鳳鳴夜窻
飄蕭黃葉下老梧黯淡青蟲行淒清轉憶米顛句詩中大有琴
中趣萬重山隔萬重雲日極匡廬彭澤路

唐伯虎寒林高士圖

黯黯蒼樹荒荒山老子終日柴門關草堂黃葉伴岑寂斷橋活
水流潄淺乞砂採藥從誰始果否神仙真不死縹緲青天十二

樓蒼茫大海三千水高士放浪烟霞中讀書飲酒人所同山風
山雨年年換那教陳迹畱吾胸忽對老梅長太息似爾枿槎世
豈得無花益覺風淒涼抱獨何妨月昏黑唐生本是落魄人時
以絹素傳精神自知榮悴關天意不寫朱門富貴春我每借詩
論作畫落筆先須除芥蕝枝枝葉葉儘容刪竹外水邊寄幽怪

同人集韻亭侍郎齋中余以雨阻畱宿

我每登斯堂徘徊不能去秋氣先客來雨聲併一處畫師四五
人各自寫心素張顛^山雖嗜酒醉語雜詩趣紅燈忽照壁虛庭
積寒霧主人早投轄黃葉悵歸路林雅暗無聲巷柝響不住藤
枝借風勢天矯西窗怒幽淙漸漱石濃綠不挂樹我擁布衾坐
拳足比沙鷺奔騰感歲晚瀟酒送日暮良朋得數輩開樽便把
晤紙帳臥風烟竹榻捫星露黃菊與紫鱗我更何所慕埋頭故

紙中任人咄老蠹

再題寒林高士圖

閉戶詠新詩不問塵世事但覺溪頭梅慘慘着綠意白雲半隱
樹黃葉盡委地時有打門人載酒問奇字明月未上樓難辨水
南寺斷續鐘梵聲驚醒沙鷗睡此景最閒曠吾欲尋詩至借題
小西涯添寫萬荷菱湖雨作晚涼岸風醒薄醉倚石發孤嘯側
耳聽松吹

九月初八日止宿秋隱山房答吳蘭雪

風雨不作秋出城訪寒菊登山踐夙約乃就秋齋宿主人誠賢
豪客亦鮮塵俗揚州自有花匡廬豈無竹但覺平生句只欠西
山綠明日翠微頂詩卷隨意續蔬笋氣味好勿勞攜酒肉

重陽日五更卽起由太平莊抵翠微山甫曙

山情滿貯胸伏枕不能寐林風颯有聲庭月欹西墜
整竹杖預期脩疎星炯在天殘水綠干地沙明辨遠村樹密隱
孤寺稻田與漁庄每觸江湖思秋山媚佳客高髻綃新翠初陽
四峯亂微霜萬葉醉我本瀟洒人簪紱久欲棄厭看長安花松
間時一至閒居念陶公高齋抱書睡

陶季壽約而未至

三山庵次吳蘭雪韻

塵壚漸已遠苔蘚侵我衣寺門落山影鳥噪人聲稀乃有檐際
暄拓以林間霏花氣闕一庭磬響開雙扉幽廊啟南榮參差松
竹圍顏色自深淺匪藉東峯曦別此已四年林綠猶依依我思
葆晚節感物憐芳菲日處紅紫中焉能謝絆轡五嶽不可到三
山焉肯違芭蕉綠成天楓柏紅吐微笑他杜牧之博士風堪希
拈花卽詩境擊鉢皆禪機清狂嗤孟嘉擲筆長歔歔

隱寂寺次蘭雪韻

青天漸低境忽僻回頭已失來時迹怪樹訝從盤古植白日暖
暖風瑟瑟我筆恨無一千尺題詩焉敢汗翠壁黃葉如雲補石
隙不知是雲還是石僧從葉底穿雲出勸客且坐山之脊幽澗
無水野花碧鐘磬不響齋堂寂

龍泉庵次蘭雪韻

入門但覺松栝森坐久乃知山落陰老龍何年此栖伏寒泉汨
汨流至今怪石倚階本蒼黑近歲沉復皴秋霖僧雛移立補牆
缺遊客指是星精沉博士愛泉識泉處手撥黃葉松根尋濃墨
新詩寫粉壁登樓擁鼻臥徊吟山靈對爾羨神妙鉤月掩抑西
山岑涼潭不照霜髯短清磬忽度雲堂深孤鳥喚醒下方夢秋
花傷盡才人心君倘攜琴奏水調千巖萬壑皆松音

香界寺

香界太行支有寺枕其股舊雖稱平坡萬山人仰俯衆鳥飛欲
絕一鈴靜可數莊嚴茲最勝幽偏我所取茅庵如扁舟但少幾
聲勝湖波與山翠依微藉手撫山亭望昆明湖萬壽山如其下落葉半尺深
乃不因風雨孤松蔽斜日野蔬散寒圃嫣然紅蓼花隔牆一枝
吐我欲過溪行白雲蔽廊廡

寶珠洞

山行無路阻絕壁古樹根穿盤陀石夕陽一片下盧溝搖曳千
千萬山碧河聲直挾崑崙來束之以山波陡回猿聲鶴聲聚峯
頂遊人到此空徘徊生讀書喜幽邃使筆文場慣掉臂踏實
了無縮地法行空似有摩天翅黃葉以外皆白雲下方鐘磬何
所聞鴻鵠拍江夢清遠松櫟不響秋氤氳白晝燒燈尋古洞洞

口蕭瑟西風送土花得氣紅可憐石乳生香森欲動生平愛坐
彌勒龕世味酸鹹初未諳玉泉瞥落羶山底好從山北看山南

次和蘭雪半幅精廬月中聞笛

山月依微吐松頂松陰滿院孤烟暝坐久滿身寒綠影敗葉風
送如歸潮隔溪不見楓根橋平林荒草秋蕭蕭

半幅精廬對山起十丈紅塵隔夜洗暫時放眼入空明往日填
胸幾烟水香山羶山落杯底玉泉流出山之背詩聲泉聲振兩
耳

醉眼不管山花碧殘酒淋漓雜殘墨秋夢忽醒風外笛萬里歸
來臥寒石老僧寂寞雪堂空石鼎聯吟一笑逢個強我愧昌黎
翁

宿三山庵半幅精廬看月

看花不及看月好看月只要登樓早我宅差憾無書樓尋負長
安多少秋登高直躡翠微頂塵夢十年今始醒把酒東堂松竹
閒茫茫者月蒼蒼山白露橫空密如雨苗葉驚風出林舞洞簫
宛轉雲中吹神仙忽感飄零悲搖步翻疑涉滄海蘆花蕭瑟扁
舟在有客新從彭澤來東籬飽看菊花開鄱陽湖水明月色去
年此日芳樽側身寄長安心戀家夜深那不思天涯勸君放筆
寫奇句山中重陽能幾度

初十日五更卽起雨聲不止曉晴始歸

月色尚挂眼雨聲忽響樹誰撮千萬峯飄忽入寒霧造物若有
意陰晴旦夕遇殆使遊山人遍領山中趣停車楓林下暫向白
雲住東風送初日嵐翠照迴互客散饑雅噪葉落栖鶻怖回頭
語山僧壁詩好籠護

是日李春湖宗瀚學士招同人看菊余與蘭雪由翠微
山冒雨趨赴余獨留宿

風露尚滿衣花竹正出檻學士雅好事嘉會重陽展博士惟高
瞻看菊興不淺冒雨西山歸山色餘婉孌酌酒花枝前惆悵翠
微眄而我閉戶久登峯增愧勉朋舊結老成話言具型典今夜
坐庭月昨宵臥石蘚江湖各有懷我思在秋巘

存素堂詩初集錄存卷二十三

柏山 法式善 開文

乙丑

季壽以李太守尺五莊圖索詩用季壽卷中和東坡送
劉道原韻

荷花往日如人長竹廊西去無殘陽兩城之隔廿餘里到此未
免尋詩忙今春客約看芍藥繁華過眼嗟存亡樓臺傾圯老松
在百尺猶堪誇倔強暫時笑樂取適意階花紅映櫻桃湯十年
日月送瀟灑兩鬢蕭蕭餘秋霜振衣每作出塵想放筆無復題
襟狂良朋零落半天下旗鼓往往逢官場陶君江漢射雕手囊
韃相見心徬徨逸韻鏗鏘寫歸思才人不遇徒悲傷太守巖后
養風融九萬里路將翱翔西粵疆域古奇險大川綿亘山莽蒼

行空漫踏遶陽鶴讀書學牧金華羊笑我婆娑綠陰底聽鐘長
日栖雲堂

曉行廬清東麓雪

乍于虛溝橋殘月松梢挂五字摩詰詩一幅叔明畫水暗星忽
動雲遲路轉隘長嘯沙雁飛早行山鳥怪寺磬沉遠村林葉紅
半若馬上句重續離下酒初晒陶公未可希勉學西江派

次蘭雪博士用東坡微雪南溪小酌韻同煦齋侍郎

殘年大有飄零感準備圍爐借酒消枕上遠鐘方破夢溪頭新
雪已平橋寒雲濕增鄉思深館風微遠市驚怪底巡檐不招
我梅花香只兩三條

再用前韻寄蘭雪

君別匡廬又三載新愁拚向故人消花明城北前朝寺雪漫溪

南小石橋閣歷漸深書有味性情能靜室無驚數筆書間數筆
白凍柳昏烟幾萬條

題畫山水

入山喜聽流泉聲溪畔坐數山花明昨往翠微值秋雨黃葉滿
地無人行吳生雪自恃腰脚健攀盡風梢與霜蔓他逐鳥梯
高雲笑我隨僧噉香飯歸來滿胸貯山色畫手何人能寫得有
客示我山水圖山水之外餘筆墨嶽嶽者石林林松千岩萬壑
秋芙蓉谷口有花殘陽紅嶺背築屋舟不通樵夫牧豎廬無踪
只許老鶴襍襍從飲酒一吸三百鍾振衣直上千仞峯石下滴
綠如江篷延佇又恐來蛟龍涼月送客歸牆東

題煦齋侍郎紀夢篇即書夢禪畫卷後

玉堂眷屬皆神仙出夢入夢非偶然夢禪寫夢意有託尚書公

題句如參禪天上金書誰辨識身世恍置紫微側七星的曉明
霄東一字扶搖照斗北隔水微聞戛擊聲橫空盡作金銀色白
雲飛處石橋阻春風一陣花如雨殿閣深沉路杳冥仙子趨踏
寂無語天道微茫不可知人情變幻何足數待郎自是星精淪
滯染大筆排天門闥中琴瑟日和樂世上伉儷徒紛紜老人七
十坐無事冰雪滿頭弄烟翠畫出迷離恹怳情請從筆墨看游
戲

題毛周花卉冊

南田筆法今誰繼剩有春波王與素人朱我愛夢禪老居士胸

中別具十分春

是冊爲夢禪所賞

忍將筆墨慰饑寒爲買秋菘畫牡丹休說鉛華刪未盡世間幾
個冷人看

再題紀夢篇畫卷後

君非東方生又非青田子
瑰詞寫荒誕酒酒盡數紙洞日桃全
開掩映樓臺紫萬物如浮泡一心比止水
雲亂山益奇月明花更美銀漢富波瀾
釣樂辨宮徵可解不可解上帝點驅使我
謂悠忽語李白夙最喜夢禪工寫夢而又喻
禪理爲君證佐之超哉蒙莊旨

送楊雪帆

懋恬

觀察之任蕪湖

吾師德文莊當日官漕帥舊章率由之楊公所心醉文勤彭曾
掌故公政述詳備後讀勤懋集詩筆醇而肆冲微靖節遺元岸
山谷嗣寒燈燼十年未獲窺奧義觀察公哲孫秉筆職清秘皖
江水潏潏蕪湖闊崑歸祥和氣濡染草木亦蒼翠至今具越民
猶說先公治使君旌旆來將無乃祖似

先月樓歌應雲悅道人命

登樓看月秋滿湖秋水橫天月有無樓中來往神仙徒濕翠溟
溟松枯亂銀蟾瀉影朱檐半人間烟暝蒹葭岸樓上讀書樓下
酒風露之外餘星斗眼前誰是接天手三千瑤島吾遍遊茲樓
恨不居上頭天風容易迴扁舟烏鵲南飛蛩自語玉簫聲隔梅
花渚孤鶴低頭悵無侶今秋結伴翠微行具生蘭坐愛山泉清
危石飛上猿猱驚我疑生也挾修翎豈知嗜奇性命輕茅庵臥
待明月升放眼無限蒼茫情回頭忽睹匡廬青西園樓比西山
亭西園月較西山明放筆試作西園銘時邀蘭
雪題冊

卽席應雲悅道人教

欲到先月樓我比月尤惡自分隔霄漢未易瞻顏色豈知甫握
手轉若舊相識爛爛碧玉箋許我酒敗墨梅花白石聞風雪任

捫陟一語偶投契肺腑期銘刻但比號寒蟲秋階暗蟬蛩青山
容易買白髮難再黑

仇十洲湖亭消暑圖歌

畫卷橫不滿一丈六月薰風紙邊漾江南只有仇十洲筆所未
到神先王湖亭四面皆荷花荷花缺處漁人家朝朝暮暮無佳
著一船飄泊斜陽斜十頃花光百盞酒好句爭出詩人手狂吟
驚散沙汀鷗晚涼鴻入石塘柳今年避暑淨業湖菱芡堆盤招
酒徒鮭菜亭空苔蘚漬菰光橋圯田園蕪蓮花博士具蘭雪世
上好官都不屑殘衫破帽坐月明長嘯一聲蒼隼裂我亦時上
打魚舟簑衣箬笠吾同儔欲倩畫工寫此意畫工只寫臺與樓
展對茲卷三大息淮海風光喜初識願執禿筆列座隅刻畫長
江萬里色人生但合辭塵囂水可釣今山可樵心中無暑到處

好老夫惆悵湖亭遥

寄黃心盒

櫺山有草堂不識何年築黃髮年五十掃逕種松菊愛詩如性命求友遍川麓我雖請習人萬卷何曾讀輒煩搜剽句雕鏤上簡牘聞君空山中守身如守玉雖號湖海閒豈不民物屬東南我朋舊大半建旌纛果有濟時策曷弗慮心腹空言似無補旁觀勝當局但希杜甫狂莫效唐衢哭霜雪半頭白烟水一竿綠靠山多種梅近水全栽竹好趁木蘭舟去噉胡麻粥

先月樓和韻

牆陰騎馬愧登仙苑柳官花屢行延余三爲學士兩掌宮坊一掌宮局其地距樓皆近每宿王堂行月底只疑朱閣在雪邊雪晴泛酒人歸晚松靜哦詩鶴聽偏多少林鴉栖腹色一塘涼吐翠微先

送董午橋

榮緯

慈仁寺裏五年前妙墨狂文遠近傳

五年前君爲余代書佛像記

賣字洛陽

秋滿紙尋詩城北雪漫天青山載酒人爭羨白髮簪花世共憐
此去江湖誇我健旗亭書壁有新篇

臘八日葉琴柯招飲留宿齋中剪燭賦此

交情篤兩世譜誼敦卅年驄馬鳴柴門冰雪時漫天寒雲凍三尺
香粥流初筵自問非酒徒玉板參詩禪繁華閱漸深冷澹持
彌堅甕蠶與園韭錯雜春盤鮮晚郭斜陽斜高樹顛風顛燭早
西窗燒燭已南榮懸萬頃明月色一屋梅花烟誰謂斗室隘不
及秋嶽顛

倪米橫自南中以吳南鄉畫乞詩郭頌伽已先著墨作
此奉懷兼寄南鄉頌伽

米樓別十載聞學益精進每際槐花黃高情勞遠訊灑然絕萬
物抱琴甘饑饉風濤豈不險日月何其迅忠信所可恃百年等
一瞬草木與春永頑石入山峻白雲舒卷心翦燭畫中認

南鄰在濟南爲我圖秋園秋氣生十指澹妙倪黃論睹茲雲木
烟如行芭蘿村寥寂琴聲微飄忽江濤喧豈君胸膈中別有經
畫存抑或下筆時吸盡千酒樽挂我梅花廬綠寒不可捫

願伽寄詩至却在六月初其時荷塘風吹雨涼我廬展吟字字
清吟罷還躊躇挾此涉湖海何故長齟齬憂患志士多禮節才
人疎且買五畝田趁月梅花鋤守門語孤鶴入市煩寒鹽招邀
元鎮流結伴爲樵漁

畫鶴

奕館簾臺願不違何心更向九臯飛老來野性消磨盡日守梅

花傍釣磯

臧孝子和費詩

嶽嶽愛日居淵淵拜經堂
暑歲依阿兄校字浙水旁
阮公人倫鑒蔡詒推二臧
無何芙蓉城召子司文章
徒以母兄在重爲死者傷
大節苟無虧顏子非云殤
冗闌長樂老百歲寧足慶
上帝計壽夭不從枝葉量
三十年命短千百年心長
勿炫朝露華揮涕悲斜陽

答喻東白

宗崙

雨濕秋燈昏愁來不可遣
淨湖倡和詩煩君訂訛舛
乃爲錯雜書硯硯混鏐銑
好學弗遺近從長肯匿善
月涼照欹斜雲重共舒卷
自落吳生手賢之如訓典
昨啓東平緘徵引到拙寒
蘭亭第一本世猶奉冠冕
比玉當有珥如肉分一瓣
瘦影共梅花盟

香凍春蘚

瑞華道人以盆梅侑畫見貽畫亦梅花也感其意賦詩
我身近來如梅瘦我詩近來有梅臭道人知我愛梅花瓦盆紙
卷紛橫斜天寒斜日幽村遠澹墨新詩氣深穩梅雖老矣花仍
鮮茅屋頃刻生孤烟守門老鶴悄無語夜深只有涼蟾佔

蓮花博士歌

有序

陸放翁夢一故人曰我爲蓮花博士鏡湖新置官也
子能暫爲之乎月給千壺酒亦不惡也蘭雪今官博
士性喜蓮今年夏遊淨業湖看花得詩最多楊蓉裳
爲作蓮花博士歌黃左田補圖

月千壺酒良不惡自有此官無此樂蓮花博士陸放翁散髮江
湖秋夢薄放翁當日憂心多車塵爭奈仙人何蝴蝶莊周喻言

耳放筆且作蓮花歌五百年後東鄉吳淨湖看月思鏡湖一官
到手總夷宕橋門醉倒諸生扶才叔長篇左田璽借歸都向詩
龕挂花影搖將鮭菜亭聲聲聽到成均廨四門三舍吾遊遍石
鼓摩挲秋雨院月橋舊是酒人場槐市今誇詩筆健博士前身
卽放翁人間天上清樽同西涯六月蓮花紅家家畫汝爲屏風
我自手種龕前松故人勸我騎蒼龍

丙寅

元日過積水潭

年年騎馬踏京塵誰識風潭自有春岸雪消融溪水活我來又
作看花人

初春卽事

老豈遂忘世病猶耽讀書百年過一半千載究何如雪擁松根

有素詩和程處存卷三
七
腫風催柳色舒向陽溪水活人饌有鮮魚

居閒

居閒非就懶能睡始忘貧筆下漸無色胸中時有春溪橋隨意
足花柳入年新何必江南路家家有釣綸

春來

春來能幾日凍樹盡啼鴉坐石憐苔色逢僧問杏花山風吹雨
過林月上樓斜我欲松堂宿清宵鬥筭茶

春曉行海甸道中

行到水窮處萬峯猶在西湖風上衣綠沙月向人低病退還騎
馬年衰怕聽雞一聲雲裏磬催我度寒溪

贈陳晴崖

我愛晴崖子一生就苦吟奇書分日讀春館閉門深夢裏黃河

遠詩邊白髮侵可憐韓吏部容易孟郊尋

正月十七日陶季壽以余生日邀同秦小岷謝菊泉楊
蓉裝吳蘭雪陳石士集趙象庵蕭山園看梅季壽有
詩次韻

晨起僮僕走相賀湖上春風吹綠破老梅著花三兩枝好友圍
爐六七個蕉山園卽臨波亭笑我豈堪荷鋤佐入門先有鶴來
迎騎馬回看月初墮宿醺新生草木香筆禿舊屬文章貨日長
漸覺書味永屋小不愁花氣大歌成全付玉琴彈酒醒屢傍水
仙坐庭燭光搖留客宿園蔬翠煎催奴課四海兄弟長獨難五
十年華嘆虛過杏花開未問山僧屈指雲堂再磨和

戲柬吳蘭雪再登前韻

時蘭雪留宿敝齋
但其校同人詩集

買得奇書歸自賀老屋一燈紙窗破山裏殘梅剩幾枝海內才

人推若個選樓終當讓君主屈宋何妨暫曹佐西陽日景衆陰

移橋門風定槐花墮禮法要爲我輩設

君近辨疏
球學事

文章原是君

家貨字繁目奪燭光短樓近夢攪鐘聲大酒醒看雪溪上行月

明選石松邊坐倪迂茶半桐樹沈林叟吟罷梅花課淨業湖頭

六月時萬荷風裏騎驢過楊柳灣西屋數椽移居詩定從頭和

時蘭雪欲
借居西涯

鄰人失火翌日蘭雪過問因訂遊淨業湖三疊前韻

衆人皆弔君獨賀垣衣屋瓦參差破門外風初損柳條階前雪

尚埋竹个校書盡日松關掩手腕欲脫誰相佐兵生近日疲應

官槐市歸來日西墮却行淡墨君長訂斷字寒綠我奇貨賤

誰知詩境寬醉中不辨酒杯大慈恩寺裏杏花開細雨冥濛湖

閣坐邀將畫手寫寒雲付與山僧了清課月橋一帶米樓多騎

馬人從樓下過談他幾燕語呢喃湖上新篇煩爾和

唐寅溪山亭子卷

撥墨未一斗幻成千百峯一峯一層巒滴翠爲幽淙水流衆嶺
靜雨過秋花紅孤亭峙林表萬綠生牆東鶴鶴寂無語聒耳惟
杉松晉昌有狂生落筆如飛鴻十笏桃花庵頽敗斜陽中詩思
天際來塵夢忽焉空匪由手腕靈全藉心神融使之作文章當
不羞遷雄何乃雜酒徒餓死蒿萊宮至今明月高猶響寒山鐘

秦小峴太常約同人作東坡生日越月補以詩

秦常淮海裔千載懷坡公臘月公誕辰君適來粵東設祀拜像
側如在蘇門中杭州與惠州君兩修公宮配之以淮海孝思何
雍雍今典奉常儀厥制抗秩宗朋儕聚三五說禮相從容梅花
薦一枝水白斜陽紅吹簫奏短曲聲逐靈旂風誰謂公生平未

一遊層庸公神在天地北地南天同

題韓桂舫方伯還讀齋集後

堅白貴自凜磨涅非所知言者心之聲難得言無欺字字出肺
肝一字一淚垂側聞江漢間黎庶多瘡痍藥石豈未投所恨無
良醫君旣燭隱微當早爲措施莫僅託空言使人抱渴饑猶想
還讀齋短几南榮支蘇公與杜公顛倒夢見之咀吮到骨髓匪
獲毛與皮臨穎沉痛語長沙危苦詞直抉生平懷告爾百有司
孰於州縣堂大字鐫諸碑

贈傅醫

長安無業兒每藉醫爲活本草尚未讀人命焉能奪高車與大
馬聲勢相薦拔傅君來廬山對此心惻怛生平九折肱家傳有
衣鉢微茫肺臍辨俄頃瘡痍割胡乃欲爲宮迫切求釋褐我今

三十年儒衣尚來脫良醫比良相勿致羣言聒

秦小峴招同謝蕪泉楊蓉裳蔡式齋陳石士陶季壽集

崇效寺看花次韻

忽雨忽風寒食天太常洗盞磬房前雲沉水檻生花氣飯熟山
廚帶石烟一角斜陽隱雅背半瓶殘酒挂驢肩明覺蒼雪庵中
去看月煩僧借釣船

明日有玉泉山之遊

寺中晚飯歸途有作

人到清明愛晝眠馬嘶芳草烏啼烟日斜山影桃花外風定溪
聲竹榻邊高樹春濤喧夜夜老僧殘夢續年年海棠無信沐惆
悵暫對清樽一放顛

清明後一日出德勝門由三汊口抵海淀

東風刺衣透春仲如冬初雖有山桃花到眼紅猶疎言行三汊

口忽憶千雲姝去歲六月時藕花開滿湖招邀二三子員雨魚
船呼夾堤兩行柳跳水三寸魚此樂何嘗忘歲月忽已徂所幸
知已內尚有陶與吳朝唱或暮酬吟興尚不孤惟恨霜雪多漸
白吾髭鬚

過帶綠草堂舊居有感

憶我五歲時讀書居草堂草堂僅三楹花竹高出牆後有五畝
園夾道皆垂楊我幼苦疴弱晨夕需藥湯我母善鞠我鞠我我
病良楚騷與陶詩上口每易忘老母涕泗橫書卷攤我旁一燈
夜熒熒落葉鐘聲長至今老栢桐猶剩秋陰涼轉眼五十年兒
今毛髮蒼徘徊那忍去幾度窺斜陽故巢燕自飛殘墨汚空廡

紫雲新院贈趙魚庵

紫雲突兀飛墮地爲衙齋山中自有官雞犬邀朋儕且取仕官

幽何至林壑垂舊竹短於童新柳嬌如娃松根積雪中凍草蘇
芳荻春寒花木遲心靜風日佳我自攜詩瓢君請借僧鞋

蒼雪庵

車行亂石中軋軋似搖舫高下歷數岡山容許重睹松栝韻漸
清桃杏紅乍吐入門僧語熟聞澗鶴聲苦泉響四山應苦破一
亭古禪房只十笏遠近寄仰俯牆缺雲在飛畱待花陰補

妙因寺峯頂

額寺寂無人斜陽與荒草峯頭極蒼翠萬丈春風掃翠蘿陟古
逕咫尺接晴昊蒼茫一氣中千家聲浩浩但覺三山雲直壓兩
湖倒微分斷橋柳難辨平沙稻樓臺經指點盡入吾詩藁白髮
乞鑑湖狂哉笑賀老

景泰陵杏花

婀娜古道旁老杏紅嫣然上有景泰陵車轍橫陌阡昨日長官
來墳頭燒紙錢七載曲朝綱千古悲荒烟貞哉此杏花拚映碑
亭鮮榛荆任蕪雜雲木齊暄妍孤臣碧血凝霜雪寧能遷塵坐
不忍去下馬澆寒泉

普覺寺

到門兩池水倚樓數枝杏日走黃塵中不識清涼境雲飛山轉
閒水喧人自靜潮風竹院疎斜日蘿逕永獨步杪羅林濕翠滴
衣冷瘦鶴下空階疑是老僧影

齋房看竹次蘭雪韻

一千竿竹陰滿地雲堂客至醒晨醉坐久能教心骨涼望深軒
覺鬚眉翠映罷松茶笋蔗嘗任他饒熟語空梁卽今春雨禪房
夜絕勝孤篷泛楚湘

退谷

退翁非退翁，頗聞耽仕進。遺民而顯宦，霜雪欺老髯。蕭條山谷中，深自抱悔吝。庚子消夏記，聊復託筆陣。世上書畫家，掩卷傷不慙。翁乃屏餘愛，坐閱春花燼。臺榭閱歲荒，雲烟過眼迅。櫻桃一樹無，繞亭但蒿藪。

櫻桃溝石上聽泉

不見櫻桃花，但聞水石響。選石坐俄頃，澗水忽然長。平生厭筆墨，無術脫塵鞅。置身隘谷中，翻覺寸心廣。況有山水音，挾我詩情往。玉琴姑勿彈，松風已十丈。對面白雲飛，隔溪明月上。

五華寺

破瓦覆寒花，殘僧倚病樹。山泉松葉燒，留客煨山芋。涉險討水源，巾烏濕烟露。坦臥孤石上，細問來時路。尋詩托寒驢，導行仗

沙鷺

石壽寺

老僧亦白鬚持春衣短褐自言善種花幾欲造化奪問僧採何術答以愛龍割手指西園內桃花樹樹活我日讀古書恨未能綜括到眼輒畱繼東塗復西抹僧言雖粗淺吾將當捧喝

松堂

驅車梵香寺厥右名松堂萬壽自舒卷一氣空低昂中有太古陰上無明月光想當風雷過半夜龍蛇翔倏忽戰鬥音變幻成笙簧居人不敢窺聲入肝膈涼松花拾幾斗燒水勸客嘗石屋容我葺定築松堂旁

香山道中

太行之兒孫居庸爲脉絡放眼無遠近披襟但清廓中有數佛

廬庵寺昔營作今屬

上林苑點綴以樓閣清音藉山水秀色謝雕鑿騎馬從東來風
花頗不惡沽酒杏花店買魚綠楊郭親水念濠魚聞鐘感遯
前遊三十年回首傷今昨爲題漫興詩勿爽林泉約

步裂帛湖堤抵昆明湖

樓臺在天際不禁遊者看渺瀰湖水光蕩我煩憂散烟中白鳥
呼樹上幽禽喚沿綠短草生四顧愁無岸波心大魚出避人忽
驚鰲欲歸路已失前行橋又斷忽從新綠底一片春流亂言是
昆明湖放眼窺浩瀰始信裂帛水僅此湖之半由淺而得深儒
生貴淹貫知足故常足何必到江漢

西方寺

寺旣名西方僧宜空諸有米帖與歐書墨雲不離手花影上石

欄基聲出松牖胸滌玉泉水塵煩謝已久春寒兩湖月風送千
波柳堤前曳杖來曾得新詩否

由堤上歷界湖桑亭玉帶諸橋至鏡橋而返得詩一首
春深花木房水明桑亭村斷雲沒橋柱古蘚生松根緩步長短
堤不問東西園但覺遠來風吹綠衣上痕波搖樹影破任爾魚
吐吞有色每易壞無著能常存桃花與流水二者當細論

三山萬樹雲兩湖一條水鳥飛山影外人在湖烟裏蓬萊本仙
境問誰能到此蒼茫古詩境歷歷豁眸子坡公海市遊題句心
獨喜有若造物厚大塊爲我起笑余太局促身未離鄉里暫偷
半日間一雪拘墟耻

遊玉泉歸東蘭雪兼寄鄉泉李壽

君遊爲看花我遊爲賞春和春比善士時花如美人趣味雖不

同寄託各有真請看湖上風吹綠波粼粼明月有誰修萬古常
鮮新側聞賀郊輩終日勞吟呻豈知一歡笑早閱千苦辛

卽事

不爲看花到聊因覓句行湖烟衣上綠林月髻邊明僧外松俱
古鷗邊水自清過橋人語小斷續只鐘聲

記所見

春風最惱人橫吹萬花落詩人救無力顛倒花下酌豈知閱世
深容易感今昨房前雙燕子自愧衣襟薄呢喃語夕陽多愁暈
身銷望望前溪邊寒雲迷畧約

陶季壽招遊愍忠寺至江亭小酌

聞說海棠花已被風吹壞或者仗佛力數枝永禪龕但可茗盃
對如何魚肉餽君知我校書閉戶甚矣憊充口黃蘗薄打頭白

屋隘放筆江亭中一詩消百療

題李壽紀遊詩後兼柬鄉泉蘭雪

飽讀玉泉詩我意所欲出而我不能言仙乎君之筆怪哉謝與
吳閉門苦著述作詩儼作畫十日又五日

陶平壽招陪泰小峴謝鄉泉劉澄齋楊蓉裳張船山趙
象庵吳蘭雪陳石士葉仁甫陶怡雲至愍忠寺遂遊
崇效寺余獨憩龍泉寺同抵江亭午飯得詩三首

愍忠寺裏花白回看不厭花好何足言好友長可念矧相藉砥
礪匪爲崇壇坫文章特技藝身心先靜驗天光古殿深人意禪
房款竹間草亦閒松外春自艷鳥聲隔林樾茶烟散茆店

紅杏青松圖藏弄棗花寺拙師昔弄筆朱錫王貽雅好事後來

漢學流題句思附驥卷已牛腰然詩却續貂以諸公託遊觀

棠花底睡我適過龍泉乘暇討幽邃鶴聲松院閉花影雲堂棄
午鐘破樓響殘僧生客避孤蝶導前路蕭然我獨至

江亭峙東南出門乃見之僧指杏花間飛飛者酒旗舍車歷數
阪短葦青差差此地我屢到看山春最宜高瞻豈不佳惟乏烟
水姿昨遊玉泉側胸膈開風漪安得湖山尾置爾孤亭歆坐雨
秋在人看月涼生厄諸公臥紫雲

趙象庵
倉署各

讀我江亭詩

清秘堂記所見

船到瀛洲定幾回天風吹去又吹來柳條成縷槐成幄都是老
天親手栽

湖樓秋思卷子爲王海村作

我家淨業湖惟屆秋最宜看山登酒樓萬樹斜陽暎下有紅蓮
花映水如胭脂樓上看花人薄醉哦新詩風亭鷗不飛月橋驢

倒騎可惜西泠雲未濕吾衿襦酒醒落殘夢散入錢塘岸安得
駕扁舟蓑笠稱漁師王郎住京國偶觸鮪鱸思低徊念故山此
意何人知咫尺維萊亭烟水春一陂奚弗宿僧廬暫息津梁疲

畫樵

打頭星露壓肩雲極目空山少見聞孤鶴一聲松萬樹綠涼深
處又逢君

題吳節母傳後

竹橋寄余書盛稱頌儒賢歸美節母教謂必文章傳昨歲來京
華方幸酬酢便屋榻尚未掃倉促遊秦川後從芙蓉

楊蓉裳
齋名 館

讀君新著篇字字出胸臆創解無拘牽今春雨握手黯然清淚
漣手奉節母傳求爲文以宣拙蹇余屢謝孝子情彌堅吾聞節
母歿距今五十年頑儒能固窮竭力諸經箋匪遵母教篤焉克

信好專守節事豈一教子成名先願君通一經一告家廟則青
燈照熒熒頌儒其勉旃

書覃溪先生題法源八詠石刻詩後

前遊四十年成詩七八篇今歲始勒石期會非偶然詩老感今
昔留句僧廬懸吹出古墨香化作雲堂烟春花早含愁恐遜詩
新鮮半空竹柏音藉爾鐘磬宣我來叩齋房弔古非參禪緬維
謝文節曾此生命捐欲聳三閭祠何日謀吉蠲徒有瑰麗詞具
人祭酒曾爲碑文末由金石鐫百匝行牆陰濕翠溟濛天苔碣手摩挲
惆悵昏廊前

送趙幽亭

同岐

大令出宰安溪

文毅萬歷初侃侃立朝右上疏劾輔臣廷杖放隴畝閱後三百
年五世孫某某秋帆下南康春雲接曲阜達人明德嗣幽亭家

法守謁選來長安騎馬西涯走敦迫索陳句

余丁未年曾作
兕觥歸趙歌

殘

稿半灰朽感君忠孝心翦燭沉吟久君今宰安溪絃歌行處有
文貞擅儒術遺澤在人口乘機利導之勿事加擊掎重聳松石
齋

汝師公
齋名

蒲樹兕觥酒王弼州不作餘子將誰偶

三月晦日晨起訪鮑樹堂侍御泛舟潞河

未明先膏車既駕天猶昏出城二三里烟水明城根繫馬橋柱
頭犬吠籬笆門使者如孤僧枯坐經貝繙訝客不速來倉卒陳
魚殭扁舟待葦間搖盪清詩魂自憐困塵埃無夢尋江村借此
川雲光綠我衣上痕山色望雖遠濕翠如可捫萬柳隨一波白
舫清陰存管絃既弗設林際幽禽喧殘春不可留白日西峯老
相約蓮花開月底攜芳樽

是日葉琴柯侍御過訪不值留詩而去次韻

花氣溟濛晝亦昏
踐春今日合開樽
鷗閒於客長尋水
鶴瘦如童解候門
古巷定猜松樹換
余舊居松樹街
曾約君過飲
冷官要識柏臺尊
綠何愛續牆陰句
不惜官袍漬墨痕

存素堂詩初集錄存卷二十四

柏山 法式善 開文

丙寅

王蓬心太守爲查映山給諫畫聽雨樓圖

雨聲今昔同聽雨人易換歸然百尺樓不隨絃管散宜南甲第
高萬樹春雲亂賢哉映山老西山終日看暗涼襲襟袖濕青落
几案竹烟與茶烟林影中續斷蕉綠窓忽明燈紅夜及半瀟瀟
衆籟寂擁衾念江漢東樓議事處剩有幽禽喚何人拜跪地疎
風開酒幔卻憺得石軒猶峙樓左畔當年初白翁題詩幾悲惋
今得王叔明古綃寫一段恨我詩龕圖未煩君染翰

答周聽雲

鐫

太守竝寄西涯年譜

西涯近吾廬夢見長沙公尋適畏吾村應墓斜陽中攜臂荔荆

蘇奮志修祠宮凡公遺佚事輯爲書一通辨論考記之

余有李文正論

王瓊雙溪雜記辨西

表自公隱衷而我居長安啾啾號寒蟲千

里聽雲館尺素來清風情溢於言外其言無弗工舉似懷麓堂

今昔將毋同年譜久鏤板擬寄具江鋒東南士大夫使各知涯

翁何時與先生醉看蓮花紅

西涯蓮花最盛

肅武親王墓前古松歌

豈有吹簫不用竹碣語分明我王屬

成都城增設得石碣有修

又有吹簫不用竹一箭

貫當胸語傳爲武侯筆一百三十六營賊爭向將軍馬頭哭功

成身歿何憂勞毅魄上燭星辰高獨有墳前老松樹鬱勃時藉

風悲號枝幹周圍六十丈礪柯未肯扶搖上儼然廣廈萬間

昔藉飛騰半空響松山戰罷搜松材此樹曾盟帶礪來盤擎直

舉虬龍走靈爽將疑幢蓋閉中間却有凌雲勢兀傲不受鬼神

制百尺以上若樓簷五步之內已綠開偃蹇爭比梅花枝人世
炎涼總不知偶遭風雪皮肉壞蒼髯翠鬚仍支離辛酉年風雪甚橫高枝微損
我來趨拜墓門側一縷天光入松色斜陽閃閃隱殘紅白髮
蕭蕭變深黑羣畢不作誰能圖王維之詩今有無惟餘丞相祠
堂柏萬古崢嶸兩大夫

由肅王墓抵邵氏園小飲入城仍集肅邸南園

松涼旣沁骨松綠漸上衣出園復入園水風吹隔扉南北溪一
條遠近花四圍山坳起臺榭對面濕雲飛晴昏倏難辨向昔時
相違頓鶴林間栖閒鷗沙上歸石厂無太陽中閉苔花肥樓陰
接樹影不見西山暉深愁城郭阻惆悵蘆中磯

騎馬踏斜陽步步西山影誰知玉河東乃有雲林境永竹忽參
差燈火辨俄頃馬聲柳外驕鶴意松邊靜分明摩詰畫尚未丹

黃驃一片真精神隨人各自領我有江湖思却未識岑參借茲
天上船春夢到汝潁萬里明月光頓花肌膚冷

阿雨窓

林保

中丞寄示修祀濬泉紀事詩題後兼懷韓

桂舫方伯

山川賴明神風氣轉大吏維楚古雄邦百材徵瑰異修祀與濬
泉不是爭名地陰陽弗愆忒天人果一致使者弗居功賦詩曰
紀事我念湖湘間邊徼最難治蠻戶操戈矛良民受罪累瘡痍
患既平補救術斯備術豈一而已要期俯仰遂撫軍坐堂皇百
僚悉承意令下如山重所難辦誠僞昨披還讀齋韓桂舫臨潁
七百字字字寫沉痛一字一墮淚載誦茲二詩與旨同幽秘石
壕篇悱惻春陵行懇至想從南嶽南民早蘇瘼痺君當謝肩從
暫停花下騎九面薰風來彈琴聽松吹

聽雨樓卽景

昔年聽雨處今日讀書聲
吹笛人何往看山句忽成
晚簾雙燕入獨樹夕陽明
欲問東樓事春雲滿地生
畫憶叔明子詩吟初白翁
百年真落葉萬事總秋風
客夢短長換酒杯深淺同
却增書萬卷西貯屋西東

答福蘭泉慶中丞

側聞鸞鳳吟不諧蟲蚓唱
如何萬里風一紙落天上
朗朗瓊琚詞讀罷神爲玉
黔陽古蠻郡夷民賴懲創
旣令禮法遵當使飢寒忘
大抵恩與威並行斯至當
使君臯夔裔蒼生仰清瑤
梅花開官閣鼓聲息軍帳
牂牁緬治績首推諸葛亮
明季郭子章書生秉節仗我

朝宏毅公克配漢丞相公今撫此邦青螺何多讓載誦蘭泉詩

沈雄復高曠閭閻所疾苦寫出真情狀笑我守章句操斤比梓
匠猥蒙遠致詞親切抒肺腑展玩松石間高歌氣爽容對月念
湖海未免聲悲壯搔首踟西南烟雨增惆悵

朱野雲自江南來言今春遊焦山與墨卿憑眺謂不得
與覃溪先生及余偕爲憾覃溪先生賦詩余亦同作
索野雲畫金焦圖兼懷墨卿

朱生兩懷袖仍貯金焦烟手出揚州書笑語詩龕前東風吹濃
綠曾擊沙棠船望雲生古愁燒笋參行禪孤月吐松頂客倚松
根眠濯髮山氣清觸耳鐘聲圓遠夢散平林茶味回新泉我昔
適郊坰曾歷房與田謂上房田盤諸山騎驢三日行拚放桃花顚細雨
濕溟濛却少春溜涓松石各幽怪北巖而南妍旣無縮地法又
乏鞭橋鞭朱生肯掉筆造化將無權蘇齋一縷香頓落江亭邊

答覃溪先生

金焦我未到烟綠悄入夢老禪詩畫參遠道笑言共騎鶴客身
適打槳逸興縱似約盧溝月推入梅花洞谷雲黯黯長山雨濛
濛送朱生返京國濕翠壓囊重頃刻丹鉛調依稀狡獪弄慘淡
蘇齋句往復陶廬誦余齋名固緣塵垢絕要是懷抱空江濤早息
喧坐聽春禽啼

寄伊墨卿

聞君坐官衙蕭疎似古剎室任涼月入窻憑秋竹戛物來輒鑒
別初非藉苛察和易感人心一時無險猾獨於孤寒流因材而
振拔政暇時揮毫矯健霜中鵲賦詩取瘦硬亦不廢蜩蜚翹首
望南雲兩目重洗刮

綠淨園感賦一詩贈舒桂舫

德恒

徘徊綠淨園惆悵城西路不見種樹人時逢手種樹危橋斷石
間花影松陰互翻覺舊樓臺頓承新雨露而我遊茲園未免感
今故當年樛散材曾邀君子顧居然老鶴前容與沙汀鷺萬事
如雲散百年幾朝暮

再贈桂舫

屋起松陰外泉流竹樹中野花爭向日孤鶴不趨風酒到千愁
散詩成百感空門前三逕好只要翫青蓬

冶亭輩來奉答二律

天上黃河水人間白髮臣安危三省繫憂樂一情真老去功名
薄年來府庫貧如何轉移法不獨活斯民

不繫舟中坐盤桓數日問

札中語

暫依兒課讀又學客看山疏草

宜親寫遊詩莫盡刪卽今論文事已足壓朝班

和小覲大京兆移居詩四叠前韻

京兆移居衆賓賀恨不才人詩戒破

小覲以蘭雪納姬
輟吟有破詩戒語

汪子乘

興寫作圖卷尾獨遺我一個袖詩載酒早相送分竹洗桐晚來
佐碧海收帆兩髻蒼官齋易燭孤花墮長髯健足剩三五做僊
殘縑短奇貨愁貧只道故鄉好話舊不知官職大覓句時從月
底行愛涼夜向鷗邊坐約遊淨
業湖笑我日踏東華塵恰比殘僧了
功課學書學劍兩無成在再年華五十過長願陪君淨業湖西
涯雜詠從頭和

贈梁石川

德謙
州牧

芭蕉林已空書畫船何往殘縑故紙中當年寄清賞我每讀遺
集風流繡疋君今仕籍登曷不爾祖仿牧民無他術不外教
與養念君爲民時屢受縣官讓民也今爲官毋忘昔悵快濱州

大海濱魚鹽易生長因勢而利導奚煩法令疆獷悍雖弗免化之以忠讜不聞孔子云舉直措諸枉

野園詩爲明鏡溪善作

湫隘既不嫌山水欣在目堂構識遺澤怵然對松菊漸次瓦礫除何必樓臺轟十步五步間身疑入林谷先人手種花今已成喬木一亭蔭其下四時雨露沐杯酒娛弟舅歌咏逮朋族春風能風人此語宜三復治園治天下因其勢已足清光得庭月生機驗園蔽所望南窓南先補百竿竹

贈嚴香甫

鍾

善學主叔明今有嚴香甫相逢蕭寺中兩髯霜結縷衙官不可爲厭聽轅門鼓飄然去湖海卅載漁樵伍賣畫作活計閱盡羈栖苦深杯破屋燈孤枕長安雨斜陽上短几秋山一角補峇驢

訪京兆訪秦小峴京兆遂至詩龕亟欲謀所主京兆雖清貧草堂少塵土散髮榆柳間可氣庶幾吐

題嚴香甫畫冊十二首

春烟濕柳中忽逐江聲去花外有人家點點山青處
樹石半疎放樓閣殊參差緩步江村中妙絕王維詩
長林一夜雨便復秋苔生築亭綠陰底酌酒山月明
不知雪壓山但聞泉落澗延佇雙松間誰復思遊宦
松聲接水聲何處參人語老鶴不飛來石橋臥沙渚
居山愛白雲坐竹看青月無人送酒來秋陰濯毛髮
雲樹入孤烟江天失秋影衆鳥不敢飛我行萬松頂
下筆枵腹生匪置托梁棟欲仿柯丹邱却肖文徵仲
老樹逾千年風霆不能難翻令畊烟人驅之入指腕

山中自有花不着人間色秋庵一枕涼儘佳那比得
古木寒無烟一船流在水黃葉覆我衣白雲飛不起
亂山夕陽底不辨江干路只有打包僧待月倚松樹

贈黃穀原均

長安畫士稱三朱

野雲素人自庵

黃生賣畫來京都促膝已覺氣瀟灑

下筆忽見雲模糊結交只有嚴薌府歷下亭邊聽秋雨卻驢先
訪淨業湖百頃蓮花數聲鴈打門同醉西涯齋蔬笋登盤苔上
階夜深誰遣鬼神入牀頭壁上生烟蘿二客據案各狂笑放筆
爲之非意料當場許吐胸中竒大葉粗枝出神妙望古我爲人
材愁此畫何減實與周飄泊淮海同沙鷗有才無命將焉求清
風明月隨處有白雲在天筆在手鶴可僮今僧可友我尚隨人
呼漫與得錢便買裘與耦三朱邀來同酌酒

六月六日秦小岷招同人積水潭看荷花余不果赴

去年看荷三汊口

陶季吳蘭

各有詩數首今年看荷積水潭京

兆攜瓜還載酒京兆自詡遊踪多越湖湘浦晴無波羅浮山影

與離合一船搖曳花婆婆自從日下官衙住戶外蒼苔阻幽步

只有溪南鮭菜亭藕花香裏藏鷗鷺散衙清曉簾雲閒尋詩客

半披蓑來我正閉門辨奇字楊腹不敢陪鄉校城北風光月橋

好三朱都寫西涯藻瀟灑

市黃原

兩畫師放筆直欲全壓倒

草堂竹榻粗安排梧桐秋雨鳴空階半尺瓦燈三尺絹芙蓉萬

朵生幽齋我當煮酒邀君至尋遍潭西幾蕭寺乘興爲文以記

之當作長安名勝志

積水潭卽事

黃蝶白鷗相間飛蟬聲多處水聲微散衙騎馬橋頭過笑我偷

閒坐釣磯

疎柳高槐各受風
石陰涼處繫孤篷
盟鷗放曷平生願
只厭門前花太紅

陪劉金門侍郎秦小峴京兆陳伯恭太常施琴泉學士
查小山郎中吳蘭雪博士黃穀原山人積水潭看荷
花歸憇海氏園抵詩龜小飲

修史志溝洫儒生易聚訟緩步驗牖口滙通義斯重涓流一滴
耳乃爲瀟瀟用淮南十萬艘陸續官倉送茲來看荷花百頃綠
無縫中有千娉婷綽約補其空白鷗湖外飛鳴蟬林際闕蘆聲
皆作聲驚醒老漁夢

槐陰與苔色映我衣衫綠掃石坐釣磯
午涼生水木騎馬踏官街日嫌炎熱觸偷閒訪佛廬觀水到漁屋道左誰氏問出牆萬

竿竹何須問主人客來皆不速茶瓜冷沁心勝飽花猪肉徘徊
擬重至相期梨棗熟

我家老梧桐久爲風雨壞今今補種之高僅等黃稗雖有石崇
累見者不下拜槐榆亭四遭免受夕陽晒難得同心客杯酒此
別話百年嗟已半江湖詎吾隘奚爲古烟翠曾未兩眼挂招邀
數畫師鑿空詩龕畫世將參書禪我但了詩債

六月九日拜西涯墓二首

驅車大慧寺言拜西涯墓西涯嗣雖絕至今留掌故年年六月

九問道松柳樹

地名

山人

朱野雲

繪遺像畱昇寺僧護當時憂國心

隱然生絹素魚菜且不具高官果何慕生平水竹思後人誰領
悟將軍號威武惜哉祇旦暮

塚人墓大夫先賢邱壠掌軒軒京兆公

秦小峴

涯翁山斗仰茲地

隸宛平君宜永禪饗桃花千樹紅竹樹三畝廣門前開一池春
韭秋菽長山僧任住持燕雀禁來往嚴鉅黃均今文周補圖愜
幽賞堂額題懷麓上慰茶陵想

答張舸齋

昔人論鷗波文福厚爲至高官未忍却乃愛清流議交筆豈不
工終有富貴氣君肯狎漁樵瓢笠隨所寄山水太幽險漁樵罕
到地哀猿早歇聲老鶴亦潛避先生曳杖來題詩紀其事手扶
一板筆心化萬峯翠星斗傍山曷雲霞攬夢寐君鄉孤冷人多
愛抱山睡秋江冷雍南何後海門實無愧鮑野顧子及王柳張
槿各有著書意遺籍幸可徵京口者舊志採自承京口者舊志採自承
書徐直生寅亮侍御艾湖春泛卷子後

烟水果貯胸隨時可寄託心不爲形役妻子即梅鶴可想交陵

湖春風絲楊郭人向鏡中行船從天上落書卷在眼前百愁都
拋却側聞志士語先憂而後樂方今河與湖紛起爭強弱因勢
利導之必當有先著潘公及靳公成法良不惡仔細繪成圖奏
進 文淵閣上以答
皇心下以奠民瘼

嚴香府詩龕圖

老手圖詩龕只用三五筆況君秋睡足晴窓好風日飲酒雖不
多酒氣從指出喬松取醜枝怪石畱敗色桐竹尚弱雅挺生實
有力古人論畫品最重者秀逸君師王叔明天機故四溢從此
空山中當築一石室倪瓚取疎簡黃癡尚闊實我學陶宗儀安
排數錦帙願仿南村圖一一寫纖悉

黃穀原詩龕圖

徵仲官翰林曾受姚涿謗四友齋畫說竹垞辨誣妄至今吳門
客爭學文家樣偽體日多紛紛逞意匠畫骨乃天成俗手坐
惆悵黃生大癡齋胸襟本高曠凡幾閱輩流心知所尊尚興到
腕隨之但覺其奔放豈知落紙後筆筆出醞釀雖屬古人與實
是造物貺黃生曰不然吾擬諸肺腑吾還語黃生慎勿徵仲抗

吳八磚詩龕圖

君知我怕俗畫此竹繞屋又知我愛涼畫此雪滿堂此堂此屋
中何有朝起讀書暮飲酒野童當鶴守柴門涼月一蟬噪高柳
先生抱病三十年藉口玉版參枯禪客來只可辦蔬笋買魚市
脯嗟無錢具家貧昆崙玉樹獨有此君如野鷺不肯隨人作燕
官放筆自寫烟霞趣黃陵廟前剛雨過邯鄲谷日秋風多畫竹
君誠友與可題詩我愧蘇東坡

合作詩龔璽會卷子

故人聯袂清風來殘雨猶滴詩龔開狂孟龔踏破空廊苔維花

落紙心凝猜東鄰睡足嚴香老香紅日三竿說太早浙西有客

學冬花朱開邦上三朱夢春草野雲素黃生黃生真太擬酒

墨便是無聲詩具子人衙官怕官熱湘竹爲我圖風枝瑰奇更

羨姚太史仙一片秋雲墮十指太倉家法剩三王雨亭粗枝大

葉張風子水舍人盛甫水部汪浣各閉門伏几追寫梅花魂卷

尾丹鉛付渲染譬如鴻爪須留痕我自展向月橋讀喬松怪石

生平熟何處種梧何處竹草閑荒涼不可宿階蟲啾唧樓鐘續

黃生自起翦秋燭解衣磅礴坐寒綠

滙通祠

翠磴盤紆接薛牆落星石枕岸雲蒼然荷斷港自秋水疎柳荒

陂空夕陽歸夢何須問南北
蜩聲容易判炎涼月榭歷年餘
幾百月年年照屋梁

文五峯畫上海顧氏園亭冊

玉泓館

既圖雅好齊復寫玉泓館北楹花竹紛南榮賓客蒲西量到開
帖與會託酒枕石情希米顛畫趣師倪懶攝山老農畫吾見亦
已罕此幅縝密中筆筆見蕭散

舊薇幕

天風半夜吹紫霞忽落地遙想載酒人月明執筆待西樓錦被
堆徒自誇明媚韻友在幕中酬酢皆韻事苔砌接清陰檀籬上
春睡誰云畫不真寶蝶隔牆至

漱玉泉

莫謂隱士泥足以壯履聲掘井必及泉君子懲處各抱彼一勺
水曷取詩瓢盈爲洗談天口辯說聞鏗鏗流泉繞花去餘響猶
琤琤待月坐石頭心迹真幾清

春雨亭

不種竹千竿那聞雨半夜起來視石上多是寒苔研微風散杏
花爲補石間罅虛廊榻聲繁何必雨聲借賦幽伏淨几弄筆娛
清暇雷電幸勿來恐此龍蛇化

滌煩磯

有仙卽有煩煩豈人能絕果非爲形役滌之心已潔此磯非江
干何勞布帆設朝惟竹石侶暮免波濤齧時復把一竿終日清
流閱羨魚退結網從不因人熱

續元閣

楊雄草太元從之者侯芭從義續太元友之者文嘉伯仁嘉也
弟匪散文章諸舍人評事官僅僅如風花奉身閣上居任爾譏
塗鴉釋文者異書舊本藏誰家

靜龕

我亦有詩龕所苦不能靜近來厭酬應行營萬事屏衰痺入兩
腋作字如松癭可憐清秘官無人代陳請羨君好身手揮酒巾
書省白雲飛不高只傍梅花影

月榭

月自不擇人人請月長視月明萬緣寂入山從茲始今日山忽
清明日山忽紫古月有定輝人心異悲喜徘徊松蘿間誰是天
隨子嗟我有時盡惟月無時死

潛虬

明明相倚伏達者能先知此爲龍之屬喻松象尤宜棲陰且天
半萬緣空離音盤旋不得出遠勢仍之而妙手但寫意刪却葉
與枝蹈實乃翻空此是無聲詩

瑩心亭

人心本曠然蔽之斯憤亂止水無驚波爾室即道岸對月三杯
壺當風萬卷爛何如坐草堂方寸自涵煦沙外白鷗猜林際幽
禽喚百年胸膈閒留此春一段

晴暉樓

鉛槧事微逐鈔錄何時休所屬樓中暉日日薰斯樓書攤烏皮
几茶注青巖甌百番硬黃紙不污寒具油萬杵尚未終望爾斜
陽留候忽西南峯濕翠窻間浮

化雲峯

登石爲危巒眼前增突兀豈知磊塊材原具玲瓏骨天風從頂
來陰陽辨機微但覺涼翠滿別自有林樾誰移西谷霞頓掩東
堂月躡衣造其巖萬景入溟渤

雪齋

昔日玉山堂柯即趙子昂會題標此惟雪齋名款署文三橋想當
冰雪情二客同清寥傍石盡松檜依竹皆芭蕉天空墮酒星地
隙餘詩瓢打門餽茯苓云是南山樵

玉澗

足踏微有聲目辨竟無色十丈清涼雪催人留不得石厂松葉
埋日月到此黑山果看落紅隔水聲迷惑乃知咫尺間亦自具
通塞莫恃玉山行期期無顛踣

石梁

我昔役灤陽青石梁最險茲梁玉潤連一石一松揜夕陽不下
山先入桃花崦僧定粥魚起人亂歸鴉閃身淞恨未到獲此慰
余慊奚以報雪蕉遺詩當勘檢此冊爲胡雪蕉物雪蕉歿其子見遺許以勘檢遺集報之

訪徐浣梧道人不值畱紙乞畫詩龕圖

白雲墮地秋廬涼幾梧之側青鸞翔仙人咳唾皆文章丹徒畫
者張巖與顧餘子二客究爲山水誤子乃超然講元素磊落一段

胸中奇世人不辨翻猜疑而我解是無聲詩夕陽蒲院苔花碧
暫倚長松坐危石爐火無烟墨流席百年舊紙煩君圖語君但
寫孤情孤十日五日何須乎用筆要粗心不粗興到自爾塵埃
無高高明月隨君呼盈盈美酒隨君沽一醉切莫浮江湖詩龕
待爾傾千壺

寄酬張寶巖金

丹徒張氏詩人多力行堂集

五

曾觀摩後從論山

鮑之錄

講詩法

知君工畫兼工哦飲酒空山少儔侶時與明月同夢婆古寺無人落花滿先生醉枕長松柯夜深孤鶴守其側涼螢萬點秋堂過筆猶在手墨猶濕刻劃詭怪成峨嵋十日五日非所計千里萬里理則那春鴻叫天白雲下淋漓一紙浮黃河荒陂寒綠霜氣繁密林層巘蟲聲訛醇意移將京口酒幽情寫出西涯莎徵詩徒取蚯蚓開藏篋又恐螭蟠窠日置案頭望顏色明窓老眼青銅磨

蘭韻山房詩贈盧蔗香

擇元

明經

自我老梧朽門前半朽櫟今秋雨較多穉梧勤洗滌綠陰及我肩頭角森然覲月明坐其下石隙鮮花剔湘江隔千里美人何處有遠韻契微尚衆香慎剖析愈明數行還夜定一聲笛屋角

殘漏轉花外清露滴老鶴吟九皋寒蛩叫四壁幽客抱孤琴與
花同寂寂涉江步京國且對萬蘆花垂釣西涯西日夕芙蓉摘

送于益亭裕德同年之楚雄太守任

未官先

給札

君舉京兆曾
蒙御試

垂老又看花鸚鵡能言語猿獍自室家春薇

一溪水夜雨滴山茶南徼今雄郡詩書意可嘉

爲晏子

野大

題黃穀原畫兼示孟麗堂

黃生移榻雙槐軒暗綠上几風蟬喧評詩讀畫客三五竹燈未
翦秋堂昏子野生平愛朋友朝出鮮魚暮芳酒世上原無縮地
符人間大有談天口簪花簌簌昔花香雨聲不止鐘聲長黃生
擲筆孟生笑墨氣上揜星雲光石谷南田又百年畫手紛紛誰
定傳達官勢去無人憐富貴過眼眞雲烟一縑價值千銅錢二

生自信工夫專案上鐵硯磨將穿功名棄如敝屣然吁嗟乎此
軒今卽虹月船

黃澗懷題雲泉圖

黃子工六法頗識秦漢宇秋涼叩我門一卷出幽秘雲氣天上
飛泉聲花裏至整襟坐危石澹石得詩意當其蘊蓄深外緣情
屏棄靈心託山水孤行絕勢利我讀高士傳每隨數行淚濡墨
題卷尾姑且等賓戲

福蘭泉中丞次韻見酬再疊前韻

朋友以義合原不藉酬唱願聞臯與黻賡拜虞廷上昔年讀帝
典展卷神先王萬里置詩郵例匪由君創日閱萬人海腐儒獨
未忘品詩如判訟字字求切當一燈東閣紅詎肯於門望梅花
伴清夢明月人秋帳取懷旣敦厚體物復瀏亮竹下偶開樽松

聞屢停仗何以雲霞姿甘作山澤相明禮古君子尊貴愈退讓
雖由性和平實是識超曠沉茲黔山水旦夕千百狀精鍊必巧
治妙斷斯良匠危辭屏僚奉書紳及刻臚退食居閑軒筆墨助
豪宕放翁家乘自裁定宏毅公事實君手勒成書絕麗而沉壯俯仰念今昔
霜露異忻悵

天空山和韻

濛濛天空山終古青紫絢誰植石千根放出雲濤院徒令行路
人延佇兩目眩小憩采芝庵明月照空殿

與何蘭士太守

甲辰初識君青衫

辟雍殿隔歲役灤陽已乘水部傳寂寥一僧寺割作兩家院洗
琰共纓焚閉門同筆硯膠漆遂相合金石矢不戀姓名

九重知飛揚令人羨玉樓召何遽奪我邦之彥性情高比雲去
住瞥如電或謂酒中傷或謂憂內煎若固通書禪胡爲太迂偈
君年四十一我年五十四長君十三年而墮哭君淚搗手遊西
山夷宕夕陽寺我時發險韻君乃一一次超然出世語哀感亦
已至傳播江湖間多謂韓孟類特許君壯盛人世奚厭棄豈真
大迦葉別自具慧智天竺優曇花生滅皆游戲

題初侍郎陳翁傳後

陳氏忠節遺蚶山時讀書鄉人從之遊一燈風雨餘晝長溪水
生山靜松花徐生爲太平民可樵亦可漁乃聞漳泉間近世多
狂且好勇而鬥狠大吏難驅除安得玉湖老帶經來此鋤君子
咏道周孤士吟秋廬益壯厨下酒苗苗園中蔬子孫曳衣裳翁
媪歡林間蕭然一秀才勝彼千吏胥

八月廿四日樊學齋道人招同謝薌泉徐星伯松遊大覺寺過海甸別墅小憩

勞生安得閒得閒亦其偶聯騎出郭門秋光遂我有荒水晴二
陂名園殿十畝寒蛩暗壁叫老鶴孤丹守小坐意飛動選勝憑
欄久悠然山在心何必杯到手

黑龍潭觀泉

百泉匯一潭泠泠沁詩骨尚未接青山已先窺白髮倚樹坐頂
刻頓覺清興發暗綠襲衣袂野香散薇蕨攀蘿躡雲級捫薜蘿
石碣欲藉松根眠今夕悵無月

大覺寺憩雲軒晚坐

夕陽下西嶺叢木響陰壑歸雲無定蹤隨意臥山門暗泉咽危
石孤磬出秋籟勞生亦已倦得地思立脚霜氣上籬菊風味足

園藿富貴豈不佳達人安淡泊

領要亭

忽觀雲中山知坐松間廬萬象入寥濶一逕開林間悠然領其
要譬如讀奇書聰明具我心延佇秋堂虛雨止竹陰涼風定泉
聲疎詩境本無言泊然思古初

尋明水院遺址不得

三院在遼時皆以水得名大覺清水改法雲香水更明水址茫
昧頽敗無一楹荒涼瓦礫場激射斜陽明暗穴狐鼠據山果猿
猴爭濕翠落苔蘚寒霧迷榛荆粧閣今來壘付與耕夫耕偶拾
舊釵鈿粉黛猶迴縈殘碑何處尋黯淡秋烟生

勝果寺

丹陽未下山紅葉已滿樹風栗簷下墮霜柿早間露既飲討烟

翠遂不惜跬步梯巖雲滿身躡逕水穿屨僧厨熟香飯客館煨
山芋欲登城子山愧無濟勝具

望城子山未至

彈丸城子山萋爾欣在日飛鳥阻寒雲老馬止斜谷匪是懼深
險抑以誠貪黷譬如美衣食畧具亦已足優遊饜飫之得少斯
爲福茲遊雖倉卒頗能愜幽腸畱待二三月杏花紅似燭散漫
隨春鷗再來水軒宿會登此峯頂高挹衆山綠

八月廿八日拜漁洋先生生日于蘇齋卽題秋林讀書
圖後

尚書歿已九十年讀書卷子今猶傳林間黃葉作秋語重結詩
境詩龕緣紅橋吟嘯矜新句北渚風懷託烟樹聽兩西窓又一
時弟兄跋脚商今故結駟當時俠少場耻居王後劉公程量注

若西川織錦擅天巧性情之外無文章停雲象法寫生手江村
圖罷圖秋柳依稀池館以揚州涉獵圖書問誰其濟南新築石
帆亭刻畫至今山骨青展卷蘇齋禮公象白日杲杲秋泠泠蘇
齋參透屢提妙萬古千潭一月照語言文字盡從剛先生拈花
我微笑

再用汪鈍翁葉叔庵二先生韻

漠漠天氣澹成詩船泊空舫映裏時激起濤音大魚聽彈琴何
必定朱絲
碧雲紅樹成千古漁弟樵兄恰兩人落葉漫空秋夢醒烟霞以
外恐無鄰

秦小峴夢中得句云旃風導我入花徑山月照人開竹
房次日偕吳蘭雪遊極樂寺謂似不作因詩爲七言

二章時重陽前一日

旃風導我入花逕松閣沉沉開秋磬幽禽下啄孤烟曉西山浮
翠衣袂涼看碑笑煞鈴山堂致君無術空文章寺碑嚴才人白
古傷微賤富貴到手性情變老矣吾將焚筆硯

山月照人開竹房山泉迸石穿雲堂白髮羞對黃花黃夢中句
果何人造搜索枯腸那能到取譬將無阿所好故山聽雨秋分
明話舊長安百感生浩蕩肯負江鷗盟

再用前句成一小詩題寺壁

旃風導我入花逕水鳥避人藏蓼汀黃葉漫天僧不見閉門自
誦法華經

山月照人開竹房青苔繡壁佛燈涼窻西簌簌松花響仙鶴一
雙飛過牆

九日冒雨訪吳蘭雪

城南南去路三叉扉揜雙槐博士家萬里長風吹白髮一天疎

雨放黃花讀書空羨秋林好

時攜漁洋山人秋林讀書圖

借書仍鍊古寺賒

擬尋朱野雲千憫忠寺作畫不果

門外有山都不管閉門終日對煎茶

黃穀原小西涯雜憶畫冊爲彭石夫題

有序

石夫襖被過江浦抵都介其鄉人朱野雲謁余於西
涯老屋出文字相質情誼甚洽逾月業驟進因掃榻
畱宿適兒子無課讀師遂館焉今三年矣一日出小
西涯雜憶詩八章乞余勘定並屬黃子穀原繪圖裝
冊余乃盡和之并述其緣起俾好事者形諸詠歌云
坡市典琴

彈琴情固佳典琴事亦雅黯淡空山中黃葉打屋瓦攜向橋南

行泠泠水風野知音既難得孤懷向誰寫憶我帶綠堂倚門雙
梧栢幽禽噪暝烟那堪重聚焉

僧寮課讀

晨飯約殘僧寒幃伴孤月鐘聲警幽夢夜半度清樾幾輩載酒
人獻此山中蕨誰騎揚州鶴去釣松江鰈石洞風微微雲堂春
兀兀天機自淡泊壯心敢消歇

河津待渡

南望雲氣微行行故山遠河聲落天上勢挾秋雁返孤帆不可
渡千櫓隔沙堰烟亭草樹明一逕斜陽晚濡濡豈本願凡事期
安穩捷足者先登君子志高蹇

岱麓停車

山情人貯胸兩眼忽萬綠秋聲在高樹詩夢到深竹石逕走死

宛落葉響簌簌欲就白雲臥但恐星斗觸斜日下雁背西風上
馬足米藥澗邊行導人雪色鹿

春明卷驢

騎鶴去邗江卷驢來廬溝北地無梅花隘巷風颭颭明月涼在
天青山西入樓燕市多酒徒悲歌誰與酬可憐萬柳條都倚橋
柱頭迎人還送人丁無離別愁

詩龕問字

龕裏本無人詩中正有我江湖儘浩蕩風雨總淡泊君鄉吳嘉
紀漁洋最許可黃葉打酒瓢閒雲載詩笏手指揚州月坐看秋
林墮古懷託金石前緣證香火

葦塘垂釣

我亦打魚人生平愛食葦塘涼月下松根蓑笠坐沙嘴此時論萬

物逝者惟流水子能處物外便不着泥滓亂鴉散樓角一鷗立
船尾始知天色明身在蓮花裏

梧館聽鐘

道心生晚年塵慮消午夜悚然發深省喜君共清暇高樓峭風
送袞梧濕雲下砌蟲工唱酬河蛙善怒罵淮上過載酒焚淫請
學稼酸鹹味不同青藍久斯化

韻蘭草堂圖爲周生笠賦

吳人論詩畫吾獨愛沈周詩境取冲澹畫旨探深幽今復得周
子蕭散衡門秋雲山蒼莽來溪水東西流坐冷明月天耕破梅
花疇一室無長物蘭韻終年留吾嘗竊詩龕突兀西涯頭海內
名畫師卷軸紛相投羨煞李賓之移竹慈恩樓安得白石翁放
筆摹丹邱

樊學齋道人招遊大覺寺後屢以五言相示且多見懷

感賦

詩情淡彌佳山懷老益壯惟慚筋力衰未獲登臨暢叨陪遊騎

出一路秋峯傍言尋三院基高木餘莽蒼樓閣半荒蕪瓦石早

飄蕩歸然大覺寺

寺爲清水院舊址

護持佛力仗入門竹風引過橋花

氣漾迸石流水聲短長雜梵唱頌要亭孤聳愁雲軒幽曠安得

抱書來十年壁相向白髮雕飄蕭春山足夷宕野鶴有時飛不

到九天上詩骨他年青杏花紅處葬

道人自治生壙于山下故近詩有他年詩骨青句

積天令乞菊於毓吏部不得而致憾余賦詩調停之兼

柬趙舍人

春明養菊家南趙

象

而北積

慶

近來詩龕側花繁吏部宅

流秋客

今年花尤佳壓倒元與白入宮必見嫉美醜那須嚴然聞尹避

邢相妬還相惜何至因一花兩人遂割席斷祿皆可辭愛花情
莫釋如我太疎散過眼取清適既無陶令興又鮮米顛癖欲倩
我調停富以花例石

余藏宣石數十吏部乘余外出移去

哭陸鎮堂師

憶昔始生時師下榻吾宅吾叔吾叔祖執經侍几席嗣應京兆
試家君同入格時維庚辰秋通家稱莫逆越歲海淀西帶綠草
堂闕善也方九齡抱書得親炙散學獨畱余哦句桐陰夕依違
二十載小子幸通籍龍頭屬老成

大廷同對策吾衣尚慘綠師髮已半白同年小錄出佳話傳嘖
嘖官既內外殊心敢遠近隔師治縣晉陽政行儼公奭一病胡
弗起蒼雪纏古柏始僅及枝幹久漸傷氣脈風雨正滿城吾師
竟易簣吾師精文章沉潛玩周易往來順逆間豈不自尋繹世

事微盛衰人心驗損益哲人必有後君子重遭澤

秋夜

寒色入秋夜道心生晚年窺書猶有鼠噪樹早無蟬詩夢白雲外鐘聲黃葉邊明晨訪支遁莫負菊花天

重陽日雨燈下作

滿城盡風雨小閣暫支筇菊影燈前瘦詩情酒後慵河渠書未續軍旅事何從只有安心法沈沈聽暮鐘

瑞華道人許作詩龕圖擬賦詩速之適以詠菊新篇見

貽次韻

詩龕參畫禪吾家秘密藏天光入新齋能發諸塵相

二語見楞嚴

道

人冰雪姿弄筆恣閒暢十年不出戶經卷寄清向丹青見興趣何事人推讓飲酒必盈斗墨污盥下養乃藉九華菊新篇寫高

抗扣篋輒意興未讀已神至自揣遜風格所喜同栖處對花暫
停杯前言幸毋忘佳話播江湖百和附一唱

江湖名手皆
爲詩翁作圖倒樽

秋籬底眼明心膽壯竹堂暝將夕澹月松梢上

答友人近況

生平愛羅含近欲歸蔣詡蓬蒿任荒野松菊獨媚嫵天寒木石
瘦家貧庭院古重以多病身逢迎實所苦打頭屋不嫌跛脚事
可數擁茲書萬卷竹燈坐秋雨猛憶同學人袞袞登臺府既已
心力瘁民猶未安堵河海待疏瀹盜賊宜鎮撫文章卽經濟生
平自期許方寸抱隱憂何以答

聖主白髮散成絲青山夢如縷客與梅花閒碧天新月吐

吾拙一章效東野體

天空樹益高人貧心易感暗冰聳硯背殘酒泥罍坎偶吟輒嘖

喘每食必顛領架有飼蠅書厨無聚蠅慘僮至肆訕誚客來少
阿匱冷菊依風離孤松拂霜炎遠山色戎戎秋燈影澹澹世方
暮登瀛吾拙寧抱槩

張少白

宜尊

欲爲詩龕圖審其義而後命筆詩以述意

詩餘宋無龕天地一詩境要從筆墨外神會而心領然後藉筆
墨當場妙思騁十日或五日成功在俄頃老樹勿着花空山只
寫影竹石取歌斜樓閣忌修整大抵秋士廬最宜出幽冷頓挫
必氣疎沉鬱乃味永詩神卽畫神端居發深省

乞徐浣梧畫松

生平愛松樹爲其堅多心畫諸屏障間斗覺神蕭森羣僊不可
過此事誰堪任徐子神仙流採藥行松陰歸來悟畫卡折節師
張翥筆法得盡窺松幹尤虛欵我有一匹絹煩寫松堂深月抱

空中烟鶴流天外音

瑤華道人作詩龕圖侑以詩次韻奉酬

詩書秘笈存無幾只剩新詩貯滿龕
校向月樓風樹底鴈中星
有古今涵

施粉調鉛興未闌繪聲技倆本來難
何人悟得無聲旨倚着梅
花袖手觀

閉門那肯抗黃塵松菊蕭條見性真
醉墨江湖傳已遍長安覓
個釣魚人

橐筆騷壇敢自矜空山木葉北風乘
沈家竹子文家水東閣題
襟愧未能

朱野雲畫老齋獨坐圖爲周肅夫賦

未肯入深山何人共往還雨堂雙燕入
草閣一身閒秋閑竹逾

放花開門自關壁蟲聽悽切池水忽潺湲

已是宰官身如何託隱淪作詩必出已成事不因人地僻驚聞
狎天寒陰菊親明湖好烟水此去定知津

汪浣雲水部爲畫詩龕圖侑以詩賦謝

蒼莽益空濶解衣奇氣生筆先絕是意讀罷寂無聲老樹寒雲
活高天晚照明不堪聽鴻雁頓鵬寄書情

漁樵乃命侶詩畫兩參禪百事老來盡千秋誰與傳藝香倪懶
閣載石米顛船端坐梅花底校君冰雪篇

我宅傍湖開湖風萬樹摧酒樓隔林見詩客踏冰回孤寺落疎
磬斷橋生古苔沙堤春草色漸漸上衣來

東昌蘭雪

江上蓑衣慣宮袍瘦不支鶴閒防有病君願坐無詩放眼輕同

華看花折幾枝匡廬松石好莫忘採靈芝

東陶琴垞

月隱萬松頂清光君早知閒庭欣獨往寒夜每吟詩千里茅齋
共謂周三更旅夢遲西山看晴雪先與老僧期

冬日

老至書仍讀寒來火漸親馬雖嫌櫪短犬不厭家貧雪壓青山
矮梅憎白髮新凍雲石橋滑已有墮驢人

冬夜

不見雁飛還柴門盡日關年衰心易足詩老句難刪一飽無餘
事三更對遠山棲鴉驚落葉片月下林間

冬曉望翠微山

萬雅爭曉日一犬吠寒籬古樹雲橫抹荒天雪倒吹愁多人易

老春近草先知同首翠微色依依似舊時

贈徐浣梧

京江徐道士畫學陸探微探藥白雲鳴釣魚春水磯林深仙鶴
導澗靜毒龍依回首茅山翠濛濛尚衣

史館偶作

五里西華路天風捲白沙到遲憐瘦馬歸晚傍昏雅事僻心難
敷書多眼易花些須增掌故已足傲張華

樊學齋中作

樊學齋中坐脩然絕點塵梅邊清似我隲亦懶如人日短詩情
歛天寒酒味醺畿南秋雨大凍餓念吾民坐間語

贈鄧介齋

守御

博通諸子書餘事及堪輿郭璞言多驗張華業豈疎庭梧仍許

種塔竹畧教除辨晰陰陽理昭昭若啟予

千載笑言違廬山秋在衣三杯情黯淡兩鬢雪依稀高樹凍雲
少晚花晴日微沙堤荒草色春到便非

史官三十年人羨玉堂仙手戰怕書楮眼花如坐烟香臺埋作
塚逸事勒成編未必非文獻江湖孰與傳

文章老益奇此語幾人知來聽西涯雨同吟北夢詩林紅春寺
掩月黑水亭欲靜掃詩龍楊從君問險夷

大覺寺晚坐

坐月待僧歸茶堂未掩扉清香鐘忽響未落雁初飛出石水聲
急在山雲氣微東華踏塵客此夕覺忘機

冬曉訪蔣爰亭

子蒲侍郎卽贈

寒霧壓城低高槐古巷齊堂虛幽客至窗破冷禽啼道氣閒方

覺詩心老不迷當年栽竹地一半白雲栖

偏是宰官身多君耐得貧曉風聞煮笋晴雪看垂綸山靜寺逾
古歲寒梅自春詩龕託彌勒還怕灑烟塵

不是無人地方能養道根一花寄微笑萬馬任長奔風定鐘聲
起燈明夜氣昏東鄰卽蕭寺坐石許重論

聞說上方山茅庵起數間去年秋雨大遍地石花斑萬竹水邊
野一梅僧外閒黃精合親採同踏碧溪灣

西涯曉晴

銀鐘打五更倚枕待天明愁自雪中盡春從詩裏生牆低雅語
熟水近鶴聲清童子開門去孤舟門外橫

讀張司業詩

官貧升復沉匪是託山林秋氣入毛髮澹懷忘古今百年雙淚

服五字一生心大堅梅花底客他擁鼻吟

讀賈長江詩

拚與世沉浮何心簪紱求殘年消五字長夜續千愁風歛鵲巢
苦月涼驢背秋不逢韓吏部誰識此僧幽

讀主客圖懷李松圃劉松嵐

年年草春綠日日水東流永夜把吟卷一燈明竹樓因懷湖海
客各抱古今愁爲問祭詩夕誰來主客酬
古桐今已矣南北兩松翁仕隱身雖異靜閒心每同河聲聽獨
往山色看能空惆悵梅花使烏絲寄雪簫

贈李春湖學士

學士書名重誰知詩筆新千秋圖主客五字出精神讀罷味彌
永想多情逼真只堪碧梧底撥雪自吟呻

程素齋用瑞請刻拙集詩以辭之

虛名折厚福名固天所忌韓蘇且不免區區敢怨黷拙詩無可
名名重尤足累少年鮮學問刮磨僅文字科第倖獵取覲顏列
高位輾轉三十年恆心無一事風月偶嘲弄時退輒散棄豈知
湖湖間有人入掌記真假遂參半毀譽果交至貧居寡酬應筆
墨當游戲那得萬鴻雁一一松間寄程子憐我窮挑燈爲編次
將欲梨棗災毋乃昌歎嗜杜陵咏廣廈白傳歌大被嗚呼此功
德自如掩枯甃

贈陳晴岩

菊殘三逕荒秋士最淒涼遊客論詩法逢僧問藥方病餘書
永貧人道心強何事想思甚梅花在故鄉

贈蔣香杜

松菊定全荒攜家去故鄉何時得愁少每日爲詩忙
梅小託微
契酒深容薄狂定知寒月上猶共話僧房

遣悶

極目雁飛遙無人慰寂寥風偏欺老樹雪不壓寒條
病久防春
至愁多借酒消呼童掃林葉取共竹皮燒

僧寺晚步

星斗一天橫柴門正晚晴青山誰共往白髮此閒行
僧足蟲偏
語燈昏月自明水仙花下坐笑爾太淒清

示鄧介齋近況

寺鐘晨尚敲笋味出寒庖冰淺鷗爭啄松高鶴不巢
雪餘課僮
掃詩就付僧鈔近日安心法焚香讀一爻

採藥

尋鐘入翠微
秋色閉林扉
採藥白雲裏
過橋黃葉稀
殘僧抱佛
睡野鶴見人飛
借問漁翁宅
猶經數釣磯

曉起

永夜發長吟
疎鐘度遠林
匪緣詩境熱
還是道根深
款戶來寒
初開簾墜病禽隔城看
山色凍翠接層陰

飯罷

心閒進退輕
飯罷又詩成
窗外惟聞鳥
人間只愛晴
凍莎含雪
細亂石帶雲平
咫尺荒園內
春風管送迎

禮烈親王散箭歌

鳴鏑倚長三尺六
挽百石弓發中鵠
不用寸鐵能殺人
英姿凜凜瞻遺鏃
烈王大戰薩爾濟
十三萬兵氣消阻
若論拔箭認酬
勲用卽行恭事
此箭應蒙載
盟府夜深斫陣
悲芳年箭聲響
迴刀聲

空魚皮步又示安雅焦桐毒鐵馬足雄轅門令下殷如雷將軍
較射月親開山頭瞥見大星落帳外驟聞孤雁哀形弓旣戢嘉
賓喜祖宗手澤貽孫子馬死尚欲傳其生謂克勤馬圖箭在烏容弗
圖紙藏諸家廟如共球金僕石努難與傳烟塵掃淨四方謐此
箭風過時颼颼

跋

此吾

師自乾隆庚子春迄嘉慶丙寅冬錄存詩也詩得二千餘首綜
閱者金匱楊員外芳燦昭文孫庶常源湘錄存者東鄉吳學博
嵩泉海寧查孝廉揆校字者壽山釐定而刊者春堂王屯牧埔
也吾師出入翰林三十年性情冲澹行端質厚爲詩高潔簡
質不矜錘鍊而有非錘鍊所能到者或累月不握筆興之所至
日或數作或十數作詩之富人共知之而詩之精深奧窔或未
盡知也山自癸亥夏侍几席詩成輒命錄稿論者謂長篇浩瀚
短章矜貴詠古之作闕議獨抒懷人之作深情并揭登臨紀事
之作天心月脅筆之超曠皆足以達之蓋能合陶韋杜蘇而一
之者也先是江上吳孝廉文炳敦請全集付梓師却之厥

阮中丞元刻於廣州吳庶子璉陶明府章鴻刻於

京師黃布衣承增刻於淮陽皆非全本 師蓋不知也去年夏

春堂自楚北書來娓娓千言請任剞劂之役 師答書不許程

素齋邦瑞自揚州來乞刻全集賦詩辭之一日春堂自歎三

外事健足來 都門秘致 山書索存素堂詩其意誠且堅 惟

然曰春堂其古豪俠食德而弗忘報者耶其忠篤出於天性慕

道綱義以聖賢爲指歸者耶爰取向所鈔吳學博查孝廉選定

詩二大冊與之目錄存者非全集也與之而不敢稟命於 師

者知 師不欲以詩顯也昔李文饒一品集刊之暮年說者多

有散佚之憾蓋孜孜於勲業故耳 師今年五十有五思日賀

襄惟恐不逮猶暇詩乎哉朱石君相國嘗戲謂 師爲李西涯

後身而西涯建樹多在館閣 師真無愧於西涯者則以茲編

爲一品集之嚆矢可也嘉慶十二年歲次丁卯上元日安業彭
壽山謹識

壩武人也不善讀父書効力樞曹受業於 陳梅垵師師入道

日多提命少暇出顏柳山谷墨刻謂字臨此詩則師

時帆先生渠不僅爲詩仙也經師人師爾速北面退請蔣君最
望先道意旋執費幸侍詩龕目見冲澹恬退之性忠孝節義之
章皆本諸溫柔敦厚以身教不徒以言教也迨承乏安州兢兢
奉持歷十載略自謹而漸諳父書自詩龕誨授之力也夫吾師
求已之心有深焉者報

國之志有大焉者心與志形諸詩而不肯以詩隘故名公巨卿
亟請梓行未允壩奔走數千里外不獲朝夕辟咄欲梓以通
而 師堅不許爰託同門彭石夫潛寄其錄存者恭校再三乃
登衆裏謝上蔡懼烏頭力去壩豈惟懼之且感頌烏頭不忍一
日忘云江可 葉王壩恭跋